



直

平

目録

ル 5
3142
8



門 几 5
號 3142
卷 8

宣平縣志卷之十七

物產

山土礲确生物不豐樹蓄搜采食指可供臚其異名
用示山農述物產志

穀類

早禾

五十日

成熟 五十日

大粒早

米粒稍大成熟 稍遲於細粒

大粒紅

米紅

散枝早

穗四散 米白而

六十日

成熟 六十日

細粒早

米粒細成熟 稍早於大粒

細粒紅

俗名三瘦穀 米粒細而赤

枝米

其種來自金郡

大竹青 米粒大而匾

中禾

細葉青 有紅白二種白露前可收獲近日種此穀最多

花早 白殼厚而花米較細葉青稍遲

紅犁早 江西多紅與

龍泉晚 與福建

矮白芒 稈短

寒早 米白收遲

晚江西 有紅白二種中禾收之最晚者

晚禾

白芒晚 米白而質軟

赤芒 芒赤而米亦白

糯稻

八月糯 白殼八月即可收穫

浦江糯 白殼其種來自浦江穀稍扁

紅殼糯 殼紅收與細葉青等

紅犁糯 米色紅收與中禾等

陝西糯 種來自陝西收同上

菜子糯 不圓而粒細收稍遲

江西早 較細葉青稍遲

福建早 其種來自福建

長白芒 禾稈長有短芒白

白禾 米青紅白二色收較細

青田晚 米稍綠色

香穀 今無

西雲穀 一名光頭晚俗名

山稻 山可種耐旱米質硬

早糯 早穀收

東陽糯 紅殼其種來自東陽收與細葉青等

黃殼糯 一名黃鼈糯殼稍

烏嘴糯 穀粒較中禾稍遲

草鞋糯 穀微黑而長收成薄其稈可織草鞋

九月糯 一名寒糯殼有紅

芒收較遲

三百粒 晚糯收較九

大麥

早而山田皆宜成熟早於小麥又有三月黃更
傷人以爲飯食最宜麵可作酒麴合醬芽和米
飯可釀飴糖又能寬腸和中消積下氣飼猪易
肥

小麥

稜也山田皆宜成熟遲於大麥凡田種小麥種
穀必少收然繼絕續乏之穀貧民全賴之以濟
青黃不接之荒但早種穗長而有節晚種穗小
而少實種以酢醬無蟲收時以蠶沙和之辟蠹
立秋前以蒼耳挫碎日曬收亦不生蟲又麥穗
將熟時上有黑黴者多麥孽主解丹石毒又江
南麥花夜放故發病江北麥花
晝放故宜人宜邑麥花皆夜放
米麥 稜形似小麥粒有毛兩頭尖收先大麥有六稜四
稜又有一種頂上開花其麵性不發止可充食

蕎麥

有山田二種山種一歲二熟田種一熟一名烏
麥又有一種苦蕎麥莖青稜綠多葉似蕎麥而
尖結實味苦濟苦荒者擣爲粉蒸食多食傷胃
發諸病近有安徽人居此者教以蕎麥粉擣成
餅餌取茅草根隔層蒸之則苦稍減而去毒但
忌於柏樹板上切食凡頭風風眼蕎麥粉作一
錢大餅貼眼四角以米大艾丸炷
灸之神効土人以風病人忌食

芝麻

有黑白二種山田沙塢均可布種一名胡麻俗
名芝麻油麻其性有入拘雨暘時薄收大旱方
大熟開花向結子向土炒焦壓榨才得生油
膏車則滑鑽鉞乃澁也土人以之炒熟作餅餌
等榨油者多其渣
以鍊末種烟甚肥

黍

黍有黃白黑三種稷之黏者爲黍種必先夏至
三十日此時有雨強土可種黍畝三升黍心未
生雨灌其心傷無實凡種黍如
禾須疎於禾宜種黃白多黑者少

稷

稷卽黍之不黏者也爾雅曰稷者五穀之長通志曰苗穗似蘆而米可實用天中記曰稷又名爲稷本草曰稷米甘而無毒益志氣補不足宣邑於乾土各種之種類不一然皆呼爲蘆稷不識有黍稷蜀黍之名

蘆稷

一名高粱可以燒酒亦可磨粉充食與黍稷同

粟

粟卽梁也穗大毛長粒粗爲梁穗小毛短粒細爲粟皆似茅種類凡數十有青赤黃白黑諸色俗名有狗尾雞爪高樹矮樹早則有旱麥黃百日糧之類中則有八月黃老軍頭之類晚則有雁頭青寒露粟之類大抵早粟皮薄米實晚粟皮厚米小有一種質軟而黏者可釀酒土人以

豆

菽者豆之總名夏至二十日可種豆帶甲而生不用深耕豆花憎見日大豆忌申卯宣有山田苞蘿山中粒亦小田則有專種者又有稻收後

卽就稻根中以鋤耨之下種子謂之耨稻株粒亦小山豆釀腐勝於田豆作用甚多以水浸成芽謂之豆芽菜亦有以馬料豆浸者種田時市中賣此菜者最多黃豆芽卽大豆黃卷宣人以菜用者多以藥用者罕

黃皮豆

皮色黃山田皆有

白豆

皮色白山田皆有

花斑豆

皮有斑色

六月白

初秋卽收有小毒發諸病

播盤珠

表尖其長粒圓

牛吃株

其矮粒圓

青風豆

顆粒最大皮帶青色一名田勝

黑豆

有大小二種大者炒熟酒淋飲其汁土人以之治風消血結小者名馬料豆其皮卽黑櫓豆皮

善止汗

赤豆

山地俱宜土人用以餅餌角黍等作餠除夕以赤豆少許和入年飯中亦有安五七粒於燈盞

者中

赤小豆

馬料豆

菘豆

蠶豆

佛豆

昔無今有止堪入藥土人有以元旦或月半
 投赤豆二七枚麻子七枚於井中謂能辟瘟
 時色有黃黑花粒有大小其甚矮細葉青將熟
 收工最省作用與黃白豆
 同惟造腐稍黑價亦稍廉
 兩次收成山中隨收隨種歸家再種即
 不結實市人於夏九月浸出芽作菜賣
 田廕蔬圃皆種八月對三月開小澹紫色莢
 葉似蒺藜兩兩相對四月開花時苗長而嫩
 長寸許子圓謂蠶豆為豌豆
 豆者非也蠶豆時而生
 粒飽滿一種有微凹亦有青紅二色此豆與蠶
 豆百穀中最近有登蒸煮皆可食荒年宜多種宣
 邑種此者稀近有種此豆於開花時苗長而嫩
 不列之以肥田
 以供食

三收豆

刀豆

扁豆

苞蘿

歲可三收
 以形名可煮可醬食土人以其殼乾燥時燒灰
 存性酒泡之以治脇肋痛殼之左右視脇之左
 右
 延籬絡牆木而生種類不一花有紫白有單莢
 有一簇七八莢者又有羊眼羊角龍爪一茶匙
 而大者諸名子白
 亦名苞蘆種高山中葉如蘆稜而青色無枝頂
 有細苗條一簇莖有節節間結苞或一二三四
 不等苞抄有紅鬚子較豆大而尖方中有心子
 攢心而生秋末取子可飯可餅可糊宜初無此
 物乾隆四五十年間安徽人來此向土著租賃
 墾闢雖陟絕高崖皆可布種止宜去草不必用
 肥是以稅銀數錢可收苞蘿數百担初價頗廉
 後與穀價不相上下每百斤可磨粉九十五斤
 貧民藉多數日糧故歉歲食之者多土著亦效
 種之但山中種此則土鬆石出每逢大雨山石

隨勢下埝溪澗墊坎宜自嘉慶五年大水溪潭
悉沙石堆積水不能畜職是之故然山種苞蘿
十餘年必敗並不可栽
竹木利盡而害隨之矣
有赤白黃根圓長可生可熟可乾可粉並可釀
酒種時以薯安土中春間抽苗剪苗栽插生發
延蔓莖著上即生根故間數日將其莖葉反覆
理之勿令生根則結薯大如其土薄則變黑色
味苦不堪食土
人種此頗多

蕃薯

蔬類

薑

芋

薯

葱

山田園地皆宜收數倍
之息山鄉種者最多

有山田水諸種色有紅白紫又有切芋切片種
之農家煮之以飽腹非止作菜也比戶皆種

深壅土而已不須鋤治用力少而獲利多
時類有三麥蔥四季蔥觀音蔥麥蔥易發麥熟

時即開花葉黃根老四季蔥與觀音蔥長年可

種觀音蔥葉較細山間有不種
白生者曰胡蔥與小蒜相似

蒜

韭

芥

芹

茄

菘子

白菜

油菜

蒜有大小葉可煮食醋浸陳者可治瀉
月食蒜頭可煮食醋浸陳者可治瀉

葉有大小二種小者氣香土人於臘月以猪糞
堆其根使葉不露土面正月取出謂之韭黃味

甚香美葉出土而莖
白者名韭白味稍減

有青紫二種有九心芥俗名九頭芥土人
於清明前收芥以鹽醃之待熟取以曬乾

有水旱
二種

亦名落蘇有
紫白二種

一名薤葉似韭而中空根如蒜葉可食割
而復抽土人以根用醋浸味甜而消蛋積

鄉大小二種大者種自山
鄉小者種子來自杭州

甚多渣可料田名菜籬餅葉治小兒赤遊丹神

効

萊菔

一名蘿蔔土人於新穀登塲後即犁田墾種俟經霜即收眼乾洗淨和鹽以足踏之壓以大石稍熟曬乾謂之菜乾病人產婦可食山種頗早春間種者食菜苗而無蘿蔔

茭白

池塘溝瀆皆可種每春須挖其根再種則筍肥否則筍小而多黑點一名同蒿形氣同乎蓬蒿入九月下種冬春采食莖肥短其味辛甘作蒿氣子如苦蕒子最茂

苦蕒

一名苦蕒此即月令所謂苦蕒菜秀是也家栽者呼為苦蕒

萵苣

有紫白二種葉似白苣而尖色稍青折之有白汁粘手四月抽薹剝皮生食味如胡瓜糟食鹽曬俱可萵苣有毒百蟲不敢近蛇虺觸之則目

菠薐

入九月種其莖柔脆中空其葉綠膩柔厚其根長數寸味甘美子有雌雄雌者結實有刺狀如蒺藜子種時須研開易出否則必過月朔乃生

莧菜

莧凡六種赤白人紫五色馬莧也大者為白莧小者為人莧紫莧莖葉皆紫惟此無毒不寒赤莧亦謂之花莧根莖可糟藏食之甚美歲皆可

莧菜

生即結子味更勝於家莧歲可二種

莧菜

一名莧菜肥美潤澤寒滑芥菜收後此菜最盛別錄曰時行壯熱擣汁飲之便瘥蘇恭曰夏月

空心菜

以菜作粥食解熱止熱毒藏器曰子醋浸揩面去粉滓保昇曰其莖燒灰淋汁洗衣白如玉色土人以患瘡疥者忌食此菜又有一種

黃芽菜

黃芽菜一名黃矮菜短而甚肥莖扁而白層層緊密黃脆肥美菜子必自杭州來若大地畜子次

黃瓜

即胡瓜北人避石勒諱改呼黃瓜二三月下種生苗引蔓開黃花結瓜長者至尺許青色皮上

有瘡癰如疣子至老則黃赤色今俗以月令王瓜生即此誤矣王瓜土瓜也熟時可生可煮有

絲瓜

一名天羅其葉大如蜀葵而多又尖汁可染綠開花五出莖瓣俱黃其瓜最大者有三四尺嫩時去皮可烹可曝老則大如杵筋絡纏紐如織成經霜乃枯土人以其葉焙乾為末治小兒疳積老者謂能通人脈絡臟腑而去風解毒消腫化痰祛痛及治諸血痛

葫蘆

一名壺蘆大小長短各有種色既可烹曬又可為器有一種苦壺蘆味如膽不可食止可入藥其穰及子土人以此治大水面目四肢浮腫

苦瓜

一名錦荔枝味苦大者可尺許

南瓜

俗名金瓜四月生苗一蔓可延十餘丈其莖中空葉大如荷葉汁可染綠

冬瓜

三月生苗葉大團而尖莖葉皆有刺毛六七月開黃花結實最長者有三四尺凡收瓜忌酒漆

麝香及糯米觸之必爛凡患發背及一切癰疽者削一大塊置瘡上熱則易之分散熱毒氣甚

甜瓜

種田中蔓延丈餘一本可結數十顆瓜白色長尺許皮有稜可生食

越瓜

一名稍瓜亦名菜瓜長者二尺許有青白二種可生食

木耳

生於朽木之上乃濕熱餘氣所生槐桑樹生者良其赤色及仰生者並不可食沙土作茹勝於木耳能明目益精

土菌

一名地蕈地生者為菌木生者為樗菌冬春無爛無蟲者煮之不熟者煮訖照人無影者上有毛下無紋者抑卷赤色者並有毒殺人中其毒

者地漿及糞汁解之汪穎曰凡煮菌投以薑屑
 飯粒若色黑殺人否則無毒嘉慶間西隅車門
 有婦女入山採茶見茶樹下有葷叢生色光潤
 而甚脆采歸煮烹一家共食腹痛欲死鄰人知
 中葷毒急灌以地漿救活數人食最多者俱斃
 道光初年上坦傅姓潘姓會采土菌五六人共
 食斃者二人食而吐者不死
 蘇皮葷 葷初收以所刮蘇皮成堆或澆以米泔或
 水待葷生采之長二三寸性滑發病不可多
 食

稻草葷 以稻草霉朽
 生葷可食

筍 種類不一惟茅竹筍最肥而多一名毛竹筍俗
 名貓頭筍宜邑東南北三鄉筍少惟西都居山
 村多茅竹各有大小年大年筍多謂之當年小
 年筍少謂之不當年每於清明前後入城售賣
 日可數十擔苞有烏白黃色惟黃者味美立夏
 後筍老賣者去苞煮半熟謂之熟筍筍味惟山

居人方得之每客至則荷鋤取筍登時烹煮以
 供饌謂之落山筍味甚鮮若至城市必先一二
 日取歸或用水浸次
 早入城轉失正味矣

雷筍 小於茅筍俗以
 雷發聲即有之

篁筍 大於雷
 筍稍遲

烏筍 俗名三月卷殼烏
 肥於雷篁筍質軟

石筍 殼有斑點大於烏筍等質頗硬土
 人以其筍煮熟曬乾產婦可食

紫筍 即紫竹生者肥與石
 筍等質軟而味鮮

苦筍 與石筍相似
 味苦性涼

冬筍 一名葷筍冬月取貓筍萌土中者日葷筍味甚
 美土人以其根藏之以佐發散藥亦有以之發
 者痘

麻筍 即山筍山中野生四月方盛莖甚小土人去其殼煮熟賣之

筍乾 即以貓頭筍或石筍之類蒸而曬之嫩而淡者佳

果類

梅 種有大小俗名青梅老則黃紅酸味稍減土人取青梅大者以鹽漬之和以紫蘇曬乾名白梅

或將梅雕刻浸於蜜久則味甘亦有以青梅籃盛於突上熏黑作烏梅又有一種青黑色熟最遲質硬

名鐵梅 有大小數種黃而圓者名金杏熟最早扁而青

杏 黃者名木杏味酢不及生杏可曬脯作乾果食之核可收仁用雙仁者殺人凡杏桃諸花皆五

出若六出必雙仁為其反常故有毒也 李 種類甚多惟麥李麥秀時熟小而肥甜可曬乾

可蜜煎又有一種牛血李大如查紅紫色近松界有之可鮮食不可曬乾

桃 桃品甚多易於種植且早結實花有紅白紫千葉二色之殊實有莧菜桃胭脂桃五月桃之別

有大如梨者肉厚核小味甘惟山中毛桃即爾雅所謂禱桃小而入藥用雙仁者有毒又有桃梟

仁充滿多脂可入藥用雙仁者有毒又有桃梟乾懸如梟首磔木之狀又名桃奴言其不能成

實也家寶方謂之神桃言其辟惡也 梨 種類不一此惟青皮早

土人謂之盤桃取以煎湯洗浮腫病 棠梨 山林皆有之葉有圓者三叉者葉邊皆有鋸齒

色皮黦白二月開白花結實如棟子霜後可食其根接梨甚佳

藤梨 一名獼猴梨其形如梨其皮褐色經霜始甘美可食子繁細如芥子

梨全 花與梨相似結類甚多小如將指形圓而長味稍酸宜熟食不可生食惟一都四數處有之

栗 有大小二種大者名社栗即板栗中心扁子為栗楔也稍小者總名大栗其木但可種成不可

宜平縣志 卷之十一 果 十

移栽其花作條大如筋
頭長四五寸可以點燈

榛栗 顆小圓而末

毛栗 生山中樹二三尺苞如大栗顆小如指頂形扁

柿 樹高大葉圓厚而光澤四月開小花黃色八九

月乃熟土人買生柿去皮捻扁日曬夜露曬而

又捻至乾內瓮中待白霜乃取出謂

之柿餅亦曰柿花其霜謂之柿霜

牛奶柿 一名君遷子其木類柿而

石榴 一名金罌一名安石榴凡植榴者須

安僵石枯骨於根下即花實繁茂

橘 夏初開白花六七月成實味有甘苦二種核

有多少皮薄而紅但顆頗小不似衢橘之大

香藥 與橘一類黃而小者為蜜筍其大者為朱藥最

大謂之香藥類黃而小者為蜜筍其大者為朱藥最

薄切曬乾蜜煎或以皮拍少許和茶葉泡飲肉

酸可以糖拌食又有於六七月間採其小實賣

花紅 一名林檎其心似柰即柰之小而圓者有早酢

枇杷 二種白者早熟而味肥酢者差晚亦間有之

楊梅 二月開花五月熟有紅白紫

櫻桃 三月熟時須守護否則鳥食無遺也經雨則蟲

自內生人莫之見用水浸良久則蟲皆出乃可食也此果性熱小兒多食必生熱病有暗風人不可多食

白果

一名銀杏葉似鴨掌又名鴨脚子樹甚高大二月開花成簇青白色二更開花隨即卸落人罕見之一枝結子數十經霜乃熟爛去肉取核為果其核或於雌樹鑿一孔內雄雌同種相望乃結實或於白賦術家取刻符印云能召使也結其樹肌理白賦術家取刻符印云能召使也

胡桃

蒼黃結實至秋如青桃狀熟時溫爛皮肉取核為果

榧子

生山中其木有牝牡牡者華而牝者實長如橄欖核可生啖亦可焙收以小而心實者佳

橄欖

一名青果亦名諫果樹大數圍實長寸許先生者向下後生者漸高熟時生食味酢蜜漬極甜小者佳大者俗名木果此果前出橄欖源今其地亦罕有

蓮子

一名藕實向無種者嘉慶間始有今惟下鄉種猶盛初二伏采者佳各伏蓮秋采者名秋蓮不甚飽滿顆肉不如他處煮而易爛

藕

結實少者藕肥大另一種也此惟專收蓮子而藕甚小

棗

棗木赤心而有刺四月生葉小而尖五月開花白色微青按陸仲埤雅云大曰棗小曰棘棘酸棗也宜邑棗樹甚少間有

芰實

俗名菱角菱落泥中最易生發有野菱家菱葉兩兩相差花背日而生實有三角四角或兩角野菱自生湖中華實俱小其角硬直刺人不如家菱之肥美可生食亦可作粉其莖亦可曝收和米作餅以救荒

烏芋

一名蒟蒻一名地栗其根如芋而色烏也烏喜食之其葉似龍鬚三四月出土

落花生

地沙灘中種之花落沙上結實如蠶上鄉種少惟下鄉所種殼薄顆肥種者最多

無花果

樹葉俱似枇杷折枝可插成枝
柯二月發葉五月不花而實

竹類

竹

物之中惟此易長作用亦多城中土薄園竹易
敗山鄉土厚頗能耐火按竹譜曰籐必六十籐
亦六年按竹實曰籐竹枯曰籐竹六十一年易
根必先結實而枯及實落上又復生焉岳陽
風土記五月十三日謂之龍生日
可種竹齊民要術所謂竹醉日也

貓竹

一名茅竹俗名毛竹最易大山鄉
皆有一之土人取作篾以資器用

慈竹

一名孝順竹生作大叢長幹
中聳羣篠外護向陽則茂

雷竹

即雷筍所長
者竿不甚大

石竹

即石筍所長者大
如三月卷質硬

方竹

體如削成勁
挺可為杖

斑竹

竹皮有斑不及吳
地所稱湘妃竹

木類

松

品有數種或二鍼或三鍼或五鍼三鍼者謂括
子松五鍼者謂崧子松木心稍赤者堅多脂土
人取其根以為燎謂之松明幹作樑棟
不蠹心白者質鬆雖中繩墨易生白蟻
樹高數丈葉香烈又一種名側柏葉大不相類
俗名扁柏檜亦光皮然葉尖硬如芒刺俗名刺
柏檜相半

槐

樹極高大土人於花未開時取狀如米
粒者煎水染黃甚鮮實為槐角入藥

檀

有黃白二種土人以
為杵槌器之用

檜

柏葉松身曰檜性耐寒

樟

有大小二種紫淡二色小者名釣樟一名烏樟

楓

能去濕辟邪惡也其氣瘡疥瘋癩以其有赤白二色白者細膩其實成毯有柔刺

杉

大者高四五丈可作棺槨

榲

最易長大可披木片以成器皿板作倉匱鼠

榑

木細而堅可作器具舊志作

木栗

樹高大結實如栗

楮樹

俗名苦楮其木長大質性甚堅作屋料及器物

桑

有白桑葉大如掌而厚雞桑葉花而薄子桑先

謂之金桑其木必槁桑根下埋龜甲則茂盛不

桐

紫花者名紫桐一名岡桐白花者葉圓大尖長

樺木

樺堪為燭木似山桃脂燒之可辟鬼皮有紫黑

榧

似榧而材光文彩如柏鋸板可為几案

冬青

一名凍青一名萬年枝開細白花女貞別種也

貞葉經霜不凋堪染緋其葉芽可食放子收蠟
一如女貞花關係水旱不落濕地諺云黃梅雨
未過冬青花未破冬青
花已開黃梅便不來

烏白木

烏喜食其子木老其根下黑爛成白故名葉
可染皂子可壓油燃燈極明白脂可澆燭根
利水通腸功勝大戟腫滿氣壯者掘此根搗爛
水煎服一盃數下而病平氣虛人不可用其葉

和泥可
染皂青

櫻櫚

俗名櫻櫚皮中毛縷如馬之鬣故名正直無枝
近葉莖處有皮裹之即櫻也每長一層即為一
節每歲必兩三剝之否則樹死或不長剝之多
亦傷樹木可為鐘杵為水梘為木屐其櫻可織
衣帽褥椅之屬大為時

俗名鑿子木
用鄰郡人歲來收販

棟

俗名榔樹有大葉細葉二種實名金鈴子
即苦棟子土人以其木作水車小翼板

楊

名蒲柳一名移柳多宜水渰蒲灌之地故有
水楊蒲移灌荷之名花與柳同材可為箭筈種
類不一白楊葉圓木可作雕刻用青楊葉長梭
楊葉圓而弱木可作樑棟俗又謂溪灘楊水楊

即蒲柳也

柳

枝硬而揚起者謂之楊枝柔而垂流者謂之柳
以其枝順插則揚起倒插則垂流柳葉細楊葉
圓闊而尖

赤檉

一名西河柳天之將雨檉先知之起氣以應
又負霜雪不凋乃木之聖者也故字從聖又
名雨師或曰得雨則垂垂如絲俗名長壽仙人
柳亦曰觀音柳謂觀音以此柳洒水也土人但
以其葉發麻疹甚

效昔無而今有

黃楊

枝葉攢簇不花不實四時不凋性難長俗說歲
長一寸閏則退試之但閏不長耳凡取此木必
以陰晦夜無一星伐之則不
裂其木堅膩作梳剗印最良

椿

木皮細實而赤葉香甘生熟鹽醃皆可茹俗名香椿樹

樗

可採食俗謂之臭椿樹

栲

即栲之生山中者按栲栲乃一木三種也但椿木細而實栲栲皆虛大故古人以為不材

楮

皮斑者為楮白者為穀乃一種也

又謂穀桑穀音構亦作構

花類

蘭

四時常青花黃有春芳者為春蘭色深秋芳者為秋蘭色淡又有麥蘭麥出時花又有崇蘭鳳尾蘭竹蘭石蘭春蘭花生於葉之下崇蘭花生於葉之上又有九頭蘭花生於春夏之交清芬尤佳皆山蘭也秋蘭即建蘭如培植得宜至冬復開但不能逸年皆然耳

牡丹

粉紅者最多寺觀植之一樹可

芍藥

有赤白二種根之赤白隨花之色也入藥用根

海棠

有草木二種木海棠有花有草木無香此地亦間有之

萱

花曰宜男姓婦佩之必生男又名萱草一名紫萱一名忘憂草即吳人所稱療愁花

茉莉

一名抹麗謂能掩眾芳也

水仙

種來自閩須遞年易新已開而復培之至冬抽葉而無花

玉簪

一名白鶴仙亦有紫花者濟急方玉簪根播水服之解班蝥毒

鳳仙

一名早珍珠一名小桃紅一名指甲草有單瓣有數層子結苞中犯之即自裂皮卷如拳故名

雞冠

有紫紅黃白淡紅各色土人取白者煎水洗頭面紅腫或云短雞冠即玉樹後庭花

芙蓉

有二種出於水者謂草芙蓉出於陸者謂木芙蓉即木蓮也土人取花葉根搗治無名腫毒

荷

一名芙蓉葉
治頭風痛

月季

一名長春花
一名月月紅

玉愛

其木四時不凋三四
月開白花清香異常

龍爪

舊志云根
實可食

菊

種類甚多入藥以單瓣味甘者為真觀玩以千
葉朵大色深者為佳野菊惟黃白二種花朵甚
小土人取甘菊葉搗治疔瘡以
諸花曝乾囊以為枕可去頭風

蝴蝶

葉似萬年青而小花
紫色如蝴蝶故名

玉蘭

色鮮白微碧香味似蘭故名一幹一花皆著木
末冬結蕾三月盛開花落從蒂中抽葉特異他
花

冬蘭

山巖產者香遍
幽谷未能多得

子午花

即金錢花一名夜落
金錢又名金榜及第

泡湯紅

花雖枯燥至春以
湯泡之紅紫仍鮮

桂花

葉如梔子而光潔無鋸齒謂之巖桂俗呼為木
樨其花有白者名銀桂黃者名金桂紅者名丹
桂四季花者名四季桂
逐月花者名月月桂

紫荊

其木似黃
荊而色紫

紫薇

俗名怕癢花
又名百日紅

薔薇

一名刺
紅藤

山茶

葉似木樨亦類茶又可作飲故得茶名花有數
種有鶴頂茶瑪瑙茶寶珠茶石榴茶千葉紅千
葉白等名目最
佳者惟寶珠

瑞香

有黃花紫花白花粉紅花皆
有香土人以其葉搗治疔瘡

杜鵑 又名謝豹花一種花淡紫色者名洋杜鵑

鬧楊花 一名羊躑躅一名羊不食草初夏開花如杜鵑而黃色羊食之即死花根俱有大毒聖惠方以花調酒治風濕痺痛和劑局方以根治中風癱疾俱可多服土人以之治跌打損傷

木槿 朝開暮落嫩葉可茹作飲代茶

蜀葵 又號一丈紅

早米花 舊志名帥米其木無皮其葉細花紅紫色早穀熟時爛漫滿樹

水梔 木高七八尺開白花土人以其花曝乾和肉煮食謂能補肺

繡毬 葉青色微帶黑而澁春月開花五瓣百花生成葉團圓如毬花有紅白二種此間無紅色者

紅梅 花辦叢密勝梅結子甚少每樹不過數顆

蠟梅 一名黃梅花種有狗蠅聲口檀香

雪雲露 花稠簇無幾性大寒能解砒毒雪時開花故名

草類

萍 一名水華一名藻楊花入水所化入藥能發大汗

蘋 一名四葉菜一名田字草一名破銅錢

藻 有二種水藻長二三寸兩兩對生即馬藻也聚藻葉細如絲及魚鰓狀節節連生即水蘊也皆

可食入藥以馬藻為勝

苻菜 一名鳧葵一名水葵即水鏡草叢生水中

蓼 種類有七開紅白花古人種蓼為蔬收子入藥今惟造酒麴者用其汁耳

菰 生水中葉如蒲葦刈以秣馬甚肥春末生白苧如筍甜美堪噉即菰菜也至秋結實乃彫胡米

歲飢人以為糧

茅 種類甚多苗曰茅鉞花曰秀葉

芭蕉 一名甘蕉莖汁如膠凍女人取以澤髮亦調敷外科熱毒

蓬 蒿也刈之曝乾紫把薰烟以逐蚊

龍鬚草 卽石龍芻叢生狀如粽心草及

龍常草 一名粽心草俚俗五月采繫角黍之

合歡 葉對生如馬齒莧而小柔薄青色日開夜合

名合歡菜

關天竹 一名大椿幹生年久有高至丈餘者糯者短

雁來紅 一名老少年一種六月葉紅者名十

雁來紅 樣錦紅紫黃綠相兼者名錦西風

汗草 香氣似小荷婦女插

香草 人家栽之夏月采置髮中令頭不膩一名省頭

狗尾草 俗呼狗尾犯其莖以手大指食

鳳尾草 生牆窟穴中煎湯

鴨跖草 又名碧竹堪治小兒丹毒發熱

秋茹 腴田生之池塘溝瀆種者肥大莖長尺許層

三白草 粉澱粉爲合眼藥與

三白草 葉或二葉占之甚驗

三白草 粉澱粉爲合眼藥與

三白草 粉澱粉爲合眼藥與

白藥草

春以子種莖高三四尺葉似落花生枝極叢生夏秋間采枝葉和蓼搗汁拌早穀粉作彈丸大覆罾七日取出曝燥

莎草

即香附子苗生田野沙地間葉似三稜一莖直上可為笠及雨衣疎而不沾

石松

舊志名巖松即玉柏之長者高一二尺

玉柏

即石松之小者采置盆中養數年不死呼為千年柏萬年松

金絲釣鼈

長三四寸生墻隙及小山地陰處取汁和鹽滴耳治聾耳湯泡洗面上結塊

紫背天葵

俗呼鐵羊屎治諸熱腫痛可制百藥毒根似香附子

金剛刺根

即蒺藜也山野中甚多其莖似蔓而堅直生有刺其葉圓大狀如馬蹄光潤似梯治風腫撲傷敷惡瘡最佳歎歲采

老鴉蒜

生田野間葉似蘭深青而柔中心一小莖紅花燦爛可愛根類蒜形磨細水浸

漂可以濟飢俗呼為三十六桶謂以水漂必至三十六次方可食也但須少和米粉否則大腸燥結因而脹閉

芻耳

生陰濕地葉類蕎麥臭氣難聞飼猪頗肥根比山茅根畧粗大赤色或切煮或磨粉可以濟飢

田薺

春間未耕鋤田中並皆生之葉生佈地大小不一微有細毛於秋桂一種生山野者稍大青白色俱堪采食濟飢並益人

秧辮草

生荒野汗濕處狀如龍鬚苗直上莖端有小穗花結細實無枝葉根煎汁煮肉治小兒疳疝氣痛甚效

接骨草

酒浸服之以其草傳骨折處可愈

脚胝葉

叢生無極枝其葉甚厚較錢大而稍尖至秋末開細淡紅花結小穗取葉以兩手合拍之去外皮貼脚胝處能軟堅止痛

藥類

黃精

葉似竹而不尖或兩葉三葉四五葉對節而生其根橫行狀如萎蕤又似嫩薑俗名山生薑九蒸九曝可以代糧俗采其苗燥熟淘去苦味食之名筆管菜

貫眾

多生山陰近水處葉如鳳尾對生根一本而眾枝貫之故名土人於時行瘟疫浸水缸中以辟瘟氣最佳

地榆

一名酸楮又訛楮為棗平原川澤皆有之葉似榆而稍狹細長似鋸齒狀青色七月開花如椹子紫黑色根外黑裏紅

苦參

實如小豆子根黃色長四五寸許苦以味名參名以功

升麻

葉似麻葉並青色花似粟穗白色實黑色根紫黑色多鬚

黃連

苗高尺許葉似甘菊四月開花黃色實似芹子色亦黃根多毛中虛黃色稍淡性味遠遜川連其種來自發東葉如竹葉三

延胡索

葉似馬蹄別無枝蔓蘆頭貼地莖葉間罅內生花紫實如豆大苗葉俱青經霜即枯根長四五寸粗於細辛氣亦少異俗

杜衡

名土細辛又名馬蹄香

白微

根似牛膝而短類柳葉

白前

苗高尺許其葉似柳根長於細辛白色生洲渚沙磧之上俗名石藍

香附

葉如老韭葉而硬光澤有刺脊稜中抽一莖復出數葉開青花成穗如黍其根有鬚鬚下結子轉相延生子頭上有細黑毛大者如羊棗而兩頭尖承燎去毛

澤蘭

生下地水傍葉相對如薄荷微香花帶紫白色萼通紫色亦似薄荷花三月采苗陰乾

香薷

大野生有葉細可通用地者葉

薄荷

一種宿根生苗方莖赤色其葉對生形長頭圓及長則尖一種二三月下種或宿子在地自生

紫蘇

隨地皆有種類甚多惟家園所種莖方葉團而有尖四面有鉅齒面背俱紫者名鳳頭紫蘇葉

艾

一種初春宿根生苗莖類蒿葉背白苗短者為良一種子蒔莖高四五尺多極枝七八月生穗

丹皮

牡丹有三十餘種入藥惟取紅白單瓣者其干葉異品皆人巧所致氣味不純不可用

芍藥

藥宜單葉之根氣味全厚有赤白二種

白及

其根白色連及而生故曰白及處處有之春生苗長一尺許葉似栝櫚兩指大青色夏開紫花根可以作糊

山慈姑

莖如箭幹高尺許莖端開白色亦有紅色黃

成者可愛三月結子有三稜四月初苗枯即掘取其根遲則苗腐難尋矣根苗與老鴉蒜極相類但老鴉根無毛慈姑有毛壳包裹為異爾高山

白茅

有白茅菅茅黃茅香茅芭茅葉皆相似白茅短

似亦有無花實者

青蒿

二月生苗嫩時取以為餌氣芳色青至夏莖粗

茵陳

二月生苗莖如艾葉

劉寄奴

春生苗一莖直上葉似蒼木尖長糙澁莖端

小菊花狀花罷有白絮如苦蕒子

益母

園圃及田野近水濕處甚繁春初生苗如嫩蒿
莖方如黃麻其葉如艾而背青一梗三葉葉有
尖歧四五月間穗開小花紅紫色亦有微白色
者每萼內有細子四粒粒大如同蒿子有三稜
色褐

夏枯草

原野間甚多苗高一二尺許莖微方葉對節
生莖端作穗中間淡紫小花一穗有細子四
粒夏至後即枯

大薊

葉多刺心中出花頭如紅花而青紫色大薊高
三四尺葉皺小薊高尺許葉不皺功力有殊
寸野甚多二月苗長二三寸時併根作菜茹食甚美

小薊

葉大如芋葉而長實似葡萄核而褐色外殼似
栗核而小如指頭多刺根有極大者作菜茹益
人秋後采

蒼耳

隨處皆有葉青白類粘糊菜秋間結實比桑椹
短小而多刺嫩葉燥熟水浸淘拌食可收飢其
子入藥

豨薟

子炒去皮研為麪可作
燒餅食亦可熬油點燈
多生沃壤高三尺許節葉相
對秋初有花結實頗似鶴虱

旋覆花

花緣繁茂而覆下狀如金錢菊水澤邊
生者花小瓣單人家栽者花大蕊簇
生田野間嫩苗似莧可食高三四尺苗葉花
實與雞冠花無別但雞冠花穗大而扁此則
花穗尖長四五寸

青葙子

亦有黃白色者
其花紅色葉頗似藍故又名紅藍花十月下種
春生苗夏初開花須乘露采之采已復出至盡
而罷結實白顆如小豆大其花和水研
磨以染真紅但所種之家不甚多耳

紅花

其花紅色葉頗似藍故又名紅藍花十月下種
春生苗夏初開花須乘露采之采已復出至盡
而罷結實白顆如小豆大其花和水研
磨以染真紅但所種之家不甚多耳

白菊花

入有數種惟以單葉味甘者
一莖直上葉似短竹葉五六月莖端開大白花
長五寸六出紅蕊四垂向下結實畧似馬兜鈴
其根如大蒜重疊生二三十瓣
味如山諸治百合病亦堪煮食

百合

一莖直上葉似短竹葉五六月莖端開大白花
長五寸六出紅蕊四垂向下結實畧似馬兜鈴
其根如大蒜重疊生二三十瓣
味如山諸治百合病亦堪煮食

石斛

俗名吊蘭叢生高山崖石上根結甚繁其莖葉生皆青色乾則黃色開白花節上自生根鬚人

桃寄生

苦辛無毒治小兒中蠱毒腹內堅痛面青黃淋露骨立為未如茶點服

柳寄生

苦平無毒治膈氣刺痛搗汁服一杯

仙人杖

筍欲成竹時立死者色黑如漆五六月收之治吐食反胃小兒驚癇夜啼置身伴睡良

淡竹葉

苗高數寸細莖綠葉其根一窠數十鬚鬚上結子與麥門冬相似俱堅硬爾采其根苗搗汁和米作酒

苦菜

名敗醬根有敗豆醬氣因以為名處處原野有之野人采嫩葉作菜亦可曝乾食性微苦鹹平苦而有益於人也故又名苦益菜

鼠麴

俗名食麴原野間甚多二月生苗莖葉柔軟葉長寸許白茸如鼠耳之毛開小黃花成穗結細

地膚

嫩苗可作蔬茹一科數十枝攢簇團團直上性最柔弱故將老時可為帚耐用

車前

即螢蠹衣春初生苗葉布地如匙面累年者長及尺餘中抽數莖作穗如鼠尾花甚細密青色微赤結實如葶藶

馬鞭草

赤黑色八月採實墟陌下地甚多葉似益母對生夏秋開細紫花作穗如車前穗其子如蓬蒿子而細根白

野苧葵

即鵝不食草生石縫及陰濕處高二三寸冬生苗細莖小葉形宛如嫩胡荽俗呼謂播地胡椒揉細擦傷筋

鯉腸

生下濕地所在坑渠間多有葉似柳而光澤莖似馬齒莧高一二尺花細而白其實若小蓮房

穀精草

在穀田一科叢生葉似嫩穀秧抽細莖高四五寸莖頭有小白花點點如亂星

海金沙 生山林下莖細如線引於竹木上高一二尺其葉細如園葵葉而甚薄皆面皆青上多皺皮文皺處有沙至秋收其全科於日中曝之小乾以紙襯承以竹篾等微擊之有細沙落紙且擊且

水楊柳 生水邊者居多荒田野中亦有之叢生苗葉莖端生子如楊梅狀

半邊蓮 俗名半枝蓮生陰濕墜邊就地細梗引蔓節節而生細葉開小花淡紅紫色止有半邊

如蓮花治蛇虻傷搗汁飲以滓圍塗患處

紫花地丁 處處有之其葉似柳而微細夏開紫花結角平地生者起莖溝壑邊生者起蔓

蓖麻 莖赤有節如甘蔗高丈餘葉大如瓠葉有五尖夏秋間極裏抽出花穗黃色每枝結實數十顆

上有刺攢簇如蠟毛而軟凡三四子合成一顆枯時劈開狀如巴豆殼有斑點內有子大如豆善拔毒取油可作印色及油紙

天南星 二月生苗似荷梗其梗高一尺以來葉如菊莖兩枝相抱五月開花似蛇頭黃色七月結

子作穗似石榴子紅色二月八月采根似芋而圓扁

半夏 二月生苗一莖莖端三葉淺綠色頗似竹葉根下相重上大下小皮黃肉白土人於五月采根

曝乾售賣頗多

蚤休 即重樓金線又名七葉一枝花生於深山陰濕之地一莖獨上莖當葉心葉綠色似芍藥凡二三層每一層七葉莖頭夏月開花

鬼臼 即八角盤又名山荷葉生於深山巖壑之陰其葉如鏡如盤如荷似有七八角根如黃精歲生

一曰止一莖蓋新苗生則舊苗死又名害母草

曼陀羅花 俗名鐵荔枝莖高四五尺綠莖碧葉葉如茄葉開白花凡六瓣花中折駢葉外包而

朝開暮落結實圓而有丁拐中有小子此花笑采釀酒飲令人笑舞采釀酒飲令人舞土人采

以治損傷傷輕者令人如顛狂

菟絲子

多生荒園古道其子入地初生有根及長延草物其根自斷無葉有花白色微紅香亦襲

人結實如秕豆而細色黃生於梗者尤佳

馬兜鈴

蔓生葉似蘿藦而圓且澀花青白色其子大如桃李而長十月以後枯則頭開四系若囊

其中實薄扁似榆莢其根扁而長尺許

青木香

即馬兜鈴根

牽牛子

有黑白二種黑者野生尤多其蔓有白毛斷之有白汁葉有三尖如楓葉花不作瓣如旋

花而大其實有蒂裹之生青枯白其核與棠枕子核同但色淺黑爾

紫葳

一名凌霄野蔓纒數尺得木而上即高數丈年久者藤大如杯春初生枝一枝數葉尖長有齒深青色自夏至秋開花一枝十餘朵大如牽

牛花而頭開五瓣赭黃色有細點秋深更赤八

子輕薄如榆仁馬兜鈴仁

栝蘘

根名天花粉其根直下生年久者長數尺秋後掘者結實有粉夏月掘者有筋無粉不堪用其

實圓長青時如瓜黃時如熟柿小兒亦食之內有扁子大如絲瓜子殼色褐仁色綠多脂作青

氣炒乾搗爛水熬取油可點燈

威靈

仙其根每年旁引年深轉茂一根叢鬚數百條長者二尺許初時黃黑色乾則深黑

茜草

每節五葉葉如烏藥而縫澀面青背綠數寸一節葉細長其莖間有刺若鈎鈎狀如葡萄藤

鈎藤

而有鈎紫色入藥今皆用鈎鈎狀如葡萄藤而有所在之枯石而生其蔓折之有白汁其葉小

絡石

於指頭面青背淡澁而不光有尖葉圓葉二種石不花而實實大如杯微似蓮蓬而梢長正如

木蓮

無花而實實大如杯微似蓮蓬而梢長正如

滿腹細子大如稗子一子一鬚土人於五六月

取子研和水搗去渣即陳謂
之木蓮豆腐實以解渴極冷
金銀花 瓣附樹延蔓葉似薔
經二三日則色變黃新舊相
故呼金銀花藤皆左旋又名左
泥菖蒲有劍脊瘦根密節高尺
人家以砂栽之一年至春剪洗
五寸葉如韭根如匙柄粗者亦
入藥須如匙柄粗者亦石菖蒲
用二種

菖蒲 泥菖蒲有劍脊瘦根密節高尺餘者石菖蒲也又
人家以砂栽之一年至春剪洗愈剪愈細高四
五寸葉如韭根如匙柄粗者亦石菖蒲也服食
入藥須如匙柄粗者亦石菖蒲也服食

衛矛 一名鬼箭又名神箭燔之遺崇三名並取此義
生山石間小株成叢春長嫩條條上四面有羽
如箭羽三四月開碎花黃綠色結實大如冬青
子亦名狗骨俗呼鬼箭羽間有取插花瓶以辟
邪魅入藥
用者甚稀

骨碎補 即胡猴薑生樹及石上其根扁長畧
似薑形其葉有極缺頗似貫眾葉

石韋 多生陰厓險罅處細莖蔓生其葉柔韌
如皮背有黃毛不聞水聲及人聲者良

金星草 冬背生黃星點子兩兩相對色如金無花實
凌冬不凋其根盤屈如竹根

卷柏 宿根紫色多鬚春生苗似柏葉而細拳
攣如雞足高三五寸無花子多生石上

馬勃 俗名馬竄勃生濕地及園中久腐處
紫色虛軟狀如狗肝彈之粉出

三角風 一名三角尖取石上者良俗以生楓樹
者為佳主風濕流注疼痛癰疽腫毒

芎藭 葉似芹而微細窄有丫又文似白芷葉
亦細又似胡荽葉而微壯葉可煉食

葦菱 叢生高二三尺葉青如石菖蒲三月開花白色
在表七月結子如小指大亦似菖蒲花狀黑色
頗似胡椒辛香

小蘗 山間時有之樹小多刺狀如山石榴其皮外白
裏黃亦如蘗皮而薄小俗謂黃柏味苦大寒去

心腹中熱氣亦可染黃

百部

有二種葉細如小苗香其莖青肥嫩時亦可煮食根長者尺許連綴並生新時亦肥實乾則虛瘦無脂潤有一種葉似柞木葉青淺而糙其莖細紫色長不盈尺根類威靈仙堪以治風

蒲公英

即黃花地丁布地四生葉花絮並似苦苣但小耳嫩苗可煮食

馬齒莧

柔莖布地細子如葶藶子狀人采苗煮曝為蔬實實中細子如葶藶子狀人采苗煮曝為蔬亦可鮮食

木瓜

可種可接可以枝壓其葉光而厚開花深紅色實如小瓜而有鼻津潤味不木者為木瓜圓小於木瓜味木而酢濇者為木桃似木瓜而無鼻大於木桃味濇者為木李亦曰木梨即棋櫨種者多

山櫨

即茅櫨樹高數尺葉有五尖極間有刺三月開五出小白花實有赤黃白三色其核狀如牽牛

陳皮

橘皮以色紅日久者為陳皮橘皮去白日橘紅甚堅乃橘之未黃而青色其氣芳烈者為青皮今人多以小相小

吳茱萸

枝柔而肥葉長而皺其實結於梢頭纍纍成簇而無核與椒不同

烏藥

樹不甚高大葉青陰白根如芍藥連綴三五嫩者肉白老者肉褐春色其根直者不堪用

辛夷

一名木筆又曰望春樹高數丈葉似柿而長正二月開花花落無子至夏復開花入藥用

海桐皮

有巨刺如櫨樹其實如楓類桐身青葉圓大其木材堅重有青黃白黑成色紅如火

槐花

狀如米粒及實作莢連珠中有黑子為良多結實有三種一種長而瘦薄枯燥不粘以多脂者為佳其樹多刺難上采時以篋箍其樹一夜自

落亦一異也。有不結實者，樹盤一孔入生，鐵三五斤，泥封之，即結莢。病一名天丁，治風殺蟲，功與莢同。但其銳利直達。

桑白皮 采十年以上，向東畔嫩根，銅刀刮去。木高七八尺，葉似李而厚，又似樗蒲子。二三月生，青熟黃中，仁深紅。土人兼以之染黃。

梔子 木高七八尺，葉似李而厚，又似樗蒲子。二三月生，青熟黃中，仁深紅。土人兼以之染黃。

金櫻子 山麓澤畔，在處有之。花最白，膩其實大如指頭，狀如石櫛，而長其核細碎，而有白毛如管。

女貞 子落自生，樹最易長，其葉厚而柔，長綠色而青。前後取蠟蟲之種，子裹置枝上，半月其蟲化出。青其凍青，葉微團子，紅色為異，其花皆繁子，並纍纍滿樹。冬月鸚鵡喜食之，土人不知，誤呼為蠟樹。

南燭 山中甚多，經冬不凋，葉似山礬，光滑而味酸澆。七月開小白花，結實如樸，樹子成簇，生青熟紫。

五加皮 春月於舊枝上抽條，葉生五出，可採蔬茹莖。有刺，根類秦皮，地骨皮，輕脆，芬香，霜後採收。

黃荊 心因幹方，枝亦對生，一枝五葉，或七葉，葉如榆。葉長而尖，有鋸齒，暑月行走，采葉數張，揉碎納。

茯苓 大能發熱，凡造酒麴，醬豉，必用之。凡大松處，皆有多年樵斫之，松根之氣味，抑鬱未絕，精華未淪，其精氣盛者，發泄於外，結為茯苓。今有以荅種依着松根而生者，為之種荅。

覆盆子 有三種，惟四月熟，狀如覆盆，而味甘美者，方可入藥，餘不堪用。

蓬蘽 沿一塹作叢，蔓生，莖小，葉密，多刺，其實四五十顆。一朶大如盞，面霜後始紅者，為之寒莓。

葛根 隨處皆有苗引藤蔓長數丈紫色葉頗似楸葉而小色青七月着花粉紫色似豌豆花不結實

根形大如手臂紫黑色五月五日午時采根曝乾以入土深者為佳冬月取根洗淨搗爛以水

淘漉澄粉以白者良

草薺 蔓生葉似菘菜而大如盤其根長硬

土茯苓 蔓生如蓴莖有細點其葉不對狀頗類大竹葉而實厚滑如瑞香葉而長五六寸其根狀

如菝葜而圓其大若雞鴨子連綴而生遠者離尺近或數寸其肉軟可生啖有赤白二種又名

冷飯團色白者良

羊躑躅 俗名黃謝豹根有雌雄之別雄者多毒雌次

乾和酒食之以治損傷傷輕者令人昏悶

露蜂房 種類有五惟在山中樹上房有一二圍內窠

箇其裏粘木蒂是七姑木汁其蓋是牛糞洙其隔是葉蓋也房有重重如樓臺者良此乃草蜂

窠也又有在人家屋上大如拳色蒼黑內有青色蜂二十一箇或只十四箇其蓋是石垢其

粘處是七姑木汁其隔是竹蛀也此乃石蜂窠亦堪用餘不入藥

鹿 乾隆以前山中尚多今罕

虎骨 用雄虎頭及頸骨色黃者佳藥箭射殺者不可入藥其毒浸潰骨血間能傷人也

禽類

雞 有家畜母鷄自抱雛者易長有自金甌二郡挑來售者畜七得六

鵝 宣地止有蒼鵝無純白者凡喜慶及酬神清明掃墓悉用之老弱貧民畜養抱雛以獲利亦有

至三衢買雛畜養者十可得五六

鴨 有純黑純白及黃斑灰色重陽後肥臍味美清

而不成無雌抱伏可以牛屎嫗而出之宣

雉

人惟以母雞抱之較雞多十餘日方出

山雞

一名野雞者文暗而尾短惟好鬪其名曰鷩

白鷓

似山雞紅頰赤嘴丹爪其性耿介

竹雞

居竹林形比鷓鴣差小褐色多斑赤文其性好啼見其儔必鬪捕者以媒誘其鬪因而網之諺云家有竹雞啼

鶉

人家畜之亦有野鶉毛羽有青白皂

雀

即瓦雀八九月羣飛田間體絕肥背有脂如披綿老而斑者為麻雀小者為黃雀

燕

有兩種紫胸輕小者是越燕斑黑而聲大者是胡燕

鸚鵡

一名八哥天寒欲雪則羣飛如告故又名寒臯

百舌

黃鸝

啄木鳥

小者如雀大者如鴉

斑鳩

項下斑如真珠者聲大能鳴可以作媒引鳩又有云雄呼雌呼雨

鳴鳩

布穀獲穀郭公各切其聲似而呼之如作呼阿公阿婆割麥插禾皆因其鳴時可為農候故耳

烏鴉

又名老鴉

鵲

即喜鵲

山鵲

狀如鵲而鳥色有文采赤嘴赤足長尾不能遠飛亦能食雞雀且喜食蛇俗名蛇鵲

鷹

其頂有毛角曰角鷹其性爽猛曰鷂鳩大為鷹小為鷂季夏之月習擊孟秋之月祭鳥

鴈 俗喚鴈鴛其狀似鴛有蒼白二色

鳧 往來與燕相反冬南翔夏北徂

畫眉 狀似鴨而小黃黑色其眉如畫巧作干聲如百舌

魚狗 處處水涯有之大如燕喙尖而長足紅而短背毛翠色帶碧翅毛黑色揚青可飾女人首物亦

皆以竹葉為隱翳繫一鳥於葉間張絲網於上

鳥見之來鬪取而拔其翠

任放之士人不知取也

鷓鴣 湖溪多有之似野鴨而小蒼白文多脂塗刀劍

不繡味美冬月取之其類甚多其形最小而好

沒水中者俗謂之水胡盧

鴛鴦 大如小鴨其質杏黃色有文采

鷺

鷓鴣 色黑似鴉而長喙微曲善沒水取魚漁人每有糜畜數十令其捕魚

伏翼 即蝙蝠俗名皮翼

獸類

豕

水畜一名豬宜音呼豬為低城鄉比戶皆畜無論牝牡皆劇之謂之肉豬大者可至四五百斤

養濟院畜之今貧民間亦有多豶豬前惟一各犬又名地羊田犬長喙善獵

吠犬短喙善守食犬體肥供饌

凡喜慶祭祀所用甚多初自縉民販售今土人亦有畜養者頗獲利惟胡羊絕無

有水牛黃牛二種水牛身大力強畏春

有黃牛小於水牛力亦較弱不畏凍

尾長腰短目如金銀及上鬣多稜者為良俗傳

虎

刑如貓大如犢乾隆間宣多虎患夜入城市後
設虎圈斃之今大山中仍有往來足跡可認外
來獵人或布毒箭於其地以為機履傷足皮即
死不能轉步有用大毛竹作吊如挽弓狀掘地
作坎鋪草於上足履穿竹豁出虎即懸空吊掛
立可致死其皮骨爪悉售外色獲重利其台民
所售虎骨用竹全身撐住價甚廉初看似屬聯
絡至日久身骨漸脫惟頭骨真餘骨皆偽不可
不辨凡山獸不論大小往來之處有必由之徑
獵人能識之故張機設吊猛獸皆獲土人止能
取小獸而不能取大蟲道光間曳坑有虎傷人
不至死餘餘未去邑令胡霖蒼合村人縱火焚

始去

豹

狀似虎而小白面圍頭自惜其毛采其文如錢
者曰金錢豹宜為裘如艾葉者曰艾葉豹次之
形如大豕而豎目人足黑色春夏臃肥時皮厚
筋弩每升木引氣或墮地自快俗呼跌臃冬月
蟄時不食飢則舐其掌故其美在掌謂之熊蹯
其膽春近首夏在腹秋在左足冬在右足近時

豺

罕有能獲之者
俗名豺狗其形似狗而皮白前矮後高而長尾
其體細瘦而健猛其毛黃褐色而鬚鬣其牙如
錐而噬物羣行虎亦畏之世傳狗

野豬

形似家猪腹小脚長毛色褐牙出口外如象牙
其肉有至二三斤者能與虎鬪最喜食蛇山
中有人誤認家猪之種作皆被攪擾道光丙申入城
市人誤認則山猪莫避腿足被傷後入人家眾以
烏鎗斃之可二三百斤許其足蹄者湯治赤白
痢甚效第飲其湯仍掛乾可以煎用數次

山羊

有二種一其大角盤環肉至百斤者一種角
細者土人以其血售作藥取皮為釘鞋面子
馬身羊尾頭側而長高脚而行速壯者有角
夏至則解嘉慶初尚有獵得者今罕有之

鹿

居大山中似鹿而小壯者有短角鬣色豹脚
短而力勁善跳越其行草莽但循一徑皮極細
賦韉鞮珍之

鼯

秋冬居山春夏居澤似鹿而小無角黃黑色大者不過二三十斤其皮細軟勝於鹿皮夏月毛

土狐

形似小黃狗鼻尖尾大皮可為裘俗名黃段虎得雞鴨必先葬腐而後反食之

野貓

一名狸其類甚多以虎斑文者堪用貓斑者不佳又有其種曰香狸其肉甚香微有麝氣

香狸

麝香中罕能分別用之功亦相似

兔

竹狔

一名竹鬮食竹根之兒也居土穴中大如兔人多食之味如鴨肉而倍肥

猴

一名胡孫自非鳥銃不能驅逐土人亦有求神設醮而胡孫自去者

水獺

一名水狗狀似青狐而小毛色青黑似狗膚如伏鼻長尾四足水居食魚能知水信為穴人以占旱潦池畔多插松毛則不敢入池土人於冬捕之取皮濺黑以為領緣袍袖

鼠

栗鼠

居土穴樹孔中形大於鼠頭似兔土人取煮食之以治瘰癧甚效

鱗類

鯉魚

河溪皆有畜池塘中大者遇大霧天趁霧飛去或落山中則化為穿山甲又一種春售魚秧似針放畜稻禾水田及秋取之可十兩許若放池塘中遲之又久大者可二三斤較河鯉其色稍黑其肉畧肥味亦相近俗謂之田鯉魚

鮠魚

俗名草魚因其食草也冬春之間所買魚苗時有二三寸許放畜池塘次第飼草大者可十餘斤形長身圓肉厚而鬆狀類青魚有青鮠白鮠二色

青魚

青亦作鱖溪河多有取無時似鮠而背正青色

鯽魚

一名鱖魚形似小鯉色黑而體促壯大而脊隆大者斤許喜偎泥不食雜物故能補胃冬月肉

厚子多其味尤美

石斑 游水面聞人聲則劃然深入與蛇交故子及腸

有毒

石鯰 生溪澗中長一寸背裏腹下赤人有以作鮮者

金魚 變紅又或變白亦有紅白黑斑相間無常者俱有金色以眼突身肥短尾長而

大者佳養玩之家亦不甚多耳

千年魚 有紅白黑斑數種年久大者長二三寸惟台山有之

烏鱧 首有七星夜朝北斗形長體圓頭相等細鱗黑色有鬣連尾尾無歧能食魚池中魚苗數百旋繞他

魚不敢食其苗也

其苗也

鰻鱧 一名白蟬一名蛇魚其狀如蛇背有肉鬣連尾無鱗有舌腹白大者長數尺脂膏最多背有黃

脈者名金絲鰻鱧

鱒魚 一名黃鮠蛇變者名蛇鱒有毒殺人今鬻鱒肆中以缸貯水畜鱒夜以燈照之其蛇化者必項

下有白點昂頭向燈

鱮魚 通身浮水上即棄之籠內納芳香餌少許夜放水田中次早收售自

四月至八月頗有利

鮎魚 古曰鱧今日鮎比曰蠟南曰鮎乃無鱗之魚大首偃額大口大腹脆身鱧尾有齒有胃有鬚生

流水者色青白生止水者色青黃大者亦至三四十斤今俗謂之鮎鮎

鰕 大者佳宜止有小者

介類

龜

宣無其種間有至金郡買小者畜養天井中以通水溝

蚌

謂之神首漁人以長鐵錐察沫認跡而觸之鼈自出但性畏蚊被蚊吮即死

蛤

蚌與蛤同類而異形長者通曰蚌

蜆

一名扁螺溪池中多有之其類亦多大小厚薄不一

田贏

生水田中及池塘岸側可煮食之土人取大而活者納冰片其中肉化為水以之治痔甚效

蝸贏

一名螺蠅小於田螺而殼較厚惟食泥水坑澗尤多清明後其中有蟲不堪食

蟹

溪澗多有甚小不堪食

鮫鯉

即穿山甲狀如鼈而小背如鯉而闊首如鼠而無牙腹無鱗而有毛長舌尖喙尾與身等尾甲

蟲類

尖厚有三稜腹內臟腑俱全而胃獨大常吐舌及掀甲誘蟻食之

蠶

土種不甚佳其子買自杭郡者較大

蜂

作繭亦原但不知樹桑故養蠶家少
一名蠟蜂又曰蠶有三種一在林木或土穴中作房為野蜂一人家以器收養者為家蜂並小而微黃蜜皆濃美一在山巖高峻處作房即石蜜也其蜂黑色似牛虻三者皆羣居有王王大於眾蜂而色青蒼皆一日兩衙嗅花則以鬚代鼻采花則以股抱之蜂王無毒窠之始營必造一臺大如桃李王居臺上生子於中王之子盡復為王歲分其族後先擁王而去王之所在蜂不敢螫若失其王則眾潰而死

蟻

蜂黑色腰甚細脚泥於人屋及器物邊竹管中作窠負蟲入內取草塞口久之變為蜂

蛭

俗呼蝴蝶大日蝶小日蛭

蜻蛉 俗喚舍胡

壁錢 俗呼壁蟾大如蜘蛛而形扁斑色八足而長

蚱蟬 其類雖衆皆自蟻蟻腹蟬變而為蜂亦有轉丸化成者皆三十日而死俗名嗟林

蟋蟀 即促織似蝗而小

蝦蟇 在陂澤中背有黑點身小能跳接百蟲解作呷呷聲舉動極急有水田中有渠溝側其類不一

蟾蜍 多在人處下濕處身大青黑無點多疥癩不能跳躍亦不解鳴行極遲緩

田雞 龍也其鳴如雞人取食之肉味如雞

蝌蚪 俗名蝦蟇臺蝦蟇青蛙之子

蝮 蝮蟻大者一名田父大如履能食蛇世傳所謂蛇噉蝮也

蜈蚣 春出冬蟄節節有足雙鬚歧尾性畏蜘蛛以溺射之即斷爛也

馬陸 有百足千足百節之名紫黑色能毒雞犬

蚯蚓 一名土龍又名地龍子其鳴長吟又曰歌女

馬蟻 一名蚊又馬蟻馬蟻水蛭山中水中草中並有之大者尺許能啣牛馬人血畏石灰食鹽

蟻 有大小黑白黃赤數種其卵名蟻山人掘之有至斗石者

蜘蛛 有毒人被蜈蚣咬取蜘蛛伏咬處吸其毒蜘蛛腹膨大仍放簷背飲露即不死或速投於水中立愈

斑蝥 春食芫花日芫春夏食葛花日長亭秋食豆花日斑蝥冬入地中曰地膽又云青娘紅娘皆屬

異名同類惟有一種在石堆中四季俱有不甚多人覓得之則撒屎如煙此為最毒土人用以治瘋犬咬以糯米拌炒七次去頭足

和麝香服用七枚不可多用

蝸牛 又名蝸蝸能制蜈蚣土人取蝸牛合蟾酥丸以治疔以芥菜乾葉包蝸蝸人取蝸牛以治爛瘡並

宣平縣志 卷之十七 蟲 三十一

效

白花蛇

一名斷蛇又名囊鼻蛇龍頭虎口黑質曰花
脇有二十四個方勝文腹有念珠斑口有四
長牙尾上有一拂指甲長一二分腸形如連珠
人欲捉獲先撒沙土一把則蟠而不動以叉取
之用繩懸起劉刀破腹去腸物則反尾洗滌其
腹乃以竹支定屈曲盤起紫縛炕乾與蘄州所
產者無異最易蛙惟剝乾肉或研作

烏蛇

一名烏稍蛇又名黑花蛇有二種一種背有三
稜劍脊而尾細長能穿小銅錢一種背有一
種長大無劍脊而尾稍粗者名風稍蛇搜風患
瘡食效而腹下有白帶子一條長一寸者雄也

水蛇

生水中有大如鱓黃黑
色有頰紋嚙人無毒
黃蝮蛇一名油菜花身長大上屋梁捕鼠食咬
人一名甚毒患瘡者取食之亦能去風濕

青蛇

種類不一三四五月雨後倒懸
柴棘及樹枝中咬人甚毒

百節蛇

黑白相間如竹
節有毒不堪食

蝮蛇

頭匾項大如犁頭書謂犁頭
蝮生水中者謂水蝮皆甚毒

貨類

靛

藍所出也始則閩人種之於山今宣民種皆在
田其種收自三月上冬剪葉斬根藏向陽山舖中
培以土及春三月插種霜前刈割經霜則乾黑
無用收種之外莖葉並浸於池三五日不等撈
去渣和以石灰用竹攪攪泛濫澄去淨水即成
為靛色之美惡在放灰之輕重冬底銀錢出色
惟此為最

苧麻

尺一科數十莖宿根在土中至春自生苗高七八
取葉如楮葉細穗青花一歲三刈園種再刈剝
售賣婦女用刀刮其表厚處自脫得裏曝乾細束
麻無甚作用夏間出息銀錢頗不
少其蕪浸洗去穢曝燥燃燈最佳

竹紙 以嫩竹浸灰水中春細煮熟鋪篩成紙土人於祭祀時焚以代帛俗名利市又一種曰方紙亦可包裹

茶 高下不一精粗亦殊西鄉頗勝須晴天穀雨前采者為佳陰雨遲采者次之

炭 有烏炭白炭銀炭山鄉多有自冬徂春作窑燒售惟西鄉四時不絕

櫻 生櫻欄樹中一節一張有絲毛錯縱如積每歲再三刺之一樹可十餘張土人以爲櫻衣及繩索等物金郡人歲來收買

箬 生山澗阪澤中其根與莖皆似小竹其節籜與葉頗似蘆荻而葉之面青背淡柔韌新舊相代四時常青採取可以包米粽及裹茶鹽

蕨粉 蓋蓬做笠金郡人至此收買頗獲利

葛粉 有赤白二種春生苗引藤蔓長二三丈葉頗似楸葉而小色青秋月開花白者花白赤者花紫承根取粉如蕨較蕨粉尤佳

蜜 有二種一在人家作桶收養之蜜一歲二收氣味稍薄一在山林木上作房有經一二年者氣味醇厚若巖穴石窟

黃蠟 取蜜後煉過濾入水中候凝取之色黃者名黃蠟煎煉極淨則色白亦名白蠟可爲丸封

五倍子 生鹽膚木葉上七月結實無花初起結小毬漸漸長堅其大如拳小如菱形狀圓長不等

蓆 初時青綠久則細黃綴於枝葉宛若結成其殼堅脆其中空虛有細蟲如蟻蜂名文蛤山人霜降前採取蒸焙貸之

宣平縣志 卷之十七 貨 三七

白漚泥 處處有之湯山出者白膩最佳

棉花 宣皆草本種沙於中遇旱潦風俱無收上鄉種者少下鄉頗多

山墨 縣東五里墨山出山墨窰人取為點磁之用今不多得俗名梳青

烟 一名薑菸本產閩地今土人多種此為業

鐵 昔有今無

蠟燭 詳柏木

柏油 詳柏木

酒 舊志云金盤露者其色青初釀於曳嶺大家久無釀者今中資之家各自製麴釀黃酒其山

鄉水性不堪釀則售以白藥製白酒謂之竹葉青味亦芳美

鑛冶

鑛坑俞高二銀場永樂宣德間歲辦課二千三百三

十一年兩後尙書孫公請減止歲納銀八百兩至天順

二年欽差奉御楊均祿奏復舊額成化二年減止徵

銀一千一百三十一兩十八年增至原額次年因災

傷救仍減後因鑛脈斬絕始停徵

宣平縣志卷之十八

兵戎

地非必爭亦戒跳梁羣寇繼起如蝸如蟻勿謂僻陋
當思豫防述兵戎志

唐

上元二年天台賊袁晁來寇鄉人登東巖避之

袁晁起於天台侵掠浙東攻陷當州人民遁竄鄉民
數自家登東巖避難即所謂赤石樓也賊來攻不拔
相守經旬將無食智者以米餉豕投巖下賊剖之
相謂曰巖頂積粟尙多難待其乏遂去一鄉獲全
中和二年黃巢賊黨侵逼俞強章承趣率鄉人登東巖
拒之



巢賊侵逼焚劫鄉間老幼惶遽有河間郡命強邀伴登巖芟荆棘以創草庵立層梯以通行路鄉鄰共此逃形賊兵無路侵劫五月嘗州中軍屯營州郭居人投軍者衆仇讎相害村墅邏搜逃亡不可勝數有武都郡章承趣年少英勇鄉內歸依衆兵馬使僉差部領各藏財帛於諸巖共置軍部於老竹外都畏懼不敢來侵戶口以全

宋

宣和三年方臘黨洪載來寇蔡子昇與梁將等率衆保

東巖拒却之

賊黨洪載假道松陽襲據郡城散財募衆麗水十鄉其七皆悚息聽命蔡子昇梁孚梁惠等所居鄉曰懿德與宣慈應和三鄉有備不肯附賊賊來犯懿德子昇與將惠等共保東巖賊來攻子昇挺身督戰弟子紹統惠伯仲齊驅勇王濱任祖鼓而從之凡二十戰

祖擊勝之斬首二千級賊攻三月不下
聞王師至欲入海畏我軍乘其後遂降

元

至元丙子元兵來攻鄉人復保東巖徐澤之帥衆詣軍

前降

元軍至括郡邑歸附三日哨騎至鄉周坦民登巖避者數千人元帥峻都來攻仰箭蝟集及巖而墜鄉人徐澤之攝西尉帥鄉大家詣軍投拜給旗榜禁暴掠軍且退而保巖巖者受攻不可支誘投拜軍乘間登巖殺數百人次日由帽籠頂發火矢射東巖以水沃絮蔽之矢不能入軍旋明年正月軍由龍泉入閩民始復業十月季文龍作亂忽都互統軍收捕復登巖者三月

至正壬辰徐壽輝黨項普畧寇浙民復登巖避難

普畧來寇民登巖避蔡紹伯據險保護三鄉聚兵力戰明太祖兵下金華紹伯納民獻地授義兵千戶南

京驍
騎尉

明

正統十三年冬十月鑛賊葉宗留等嘯聚為亂詔御史

李俊討之

宗留曾為鑛徒後充府隸積久多不法恐見收捕遂
為亂推陳鑑湖為首陶得義為輔以殘狠立威相傳
有二飛劍能殺人人益惑之先是閩寇鄧茂七叛陶
得義楊希八等乘機聚眾是年十月夜劫武義衛縣
率軍快往捕不利監守鑛冶御史李俊
奏聞尋命俊援勦俊率官軍進屯周坦

冬十二月賊掠遂昌官兵擊斬齊煇等餘皆遁走

遂昌報有強賊萬餘豎旗偽稱王號乃宣寇陳鑑湖
朱閻入齊煇先在福建寶峯坑盜採銀鑛殺參議及
言利諸臣後肆劫掠沿至遂昌李俊命葉鉅詣松陽
督鄉兵抵街亭橋賊迎戰大敗斬煇等千餘級鑑湖

遁還
宣鄉

賊葉希八等人據鮑村

先是葉希八等據雲和山中數月謂其黨曰山中出
掠不便不若由朱湖進掠府城乃結砦駐鮑村取貨
於義烏掠人於松陽官軍雖眾不能越
焉公嶺而迫我也遂突入鮑村犯處州

十四年春正月賊敗官兵參議耿定僉事王晟死之尋

攻郡城御李俊知府張佑令義勇出戰賊敗走

正月二十五日得義等數千突出破橋官兵失備殺
分守參議耿定兵備僉事王晟晟子甫六歲聞父被
害自投城下死賊攻城急俊佑日夜戒嚴葉鉅冒險
越南明門入見俊會民缺食議發官廩賑仍出府庫
錄銀召募有敢出城戮賊一人者賞銀五兩民爭應
募得五百餘人以鉅領之開通惠門出戰於城北後
溪賊潰敗次日
焚劫西鄉而去

宣平縣志

卷之十八

兵戎

三

夏五月劉四等聚眾劫掠都指揮沈麟戰死葉鉅等大

破之

五月初七日劉四劉五陳三等嘯聚奇山麟遇賊於
後坑塢為其所殺鉅率鄉兵之勇較者得三千人戰於
級追至新嶺而還四復糾黨祝子光等仍來奇山會
官兵繼至賊望風奔潰
追殺大敗李俊以聞

六月徐浩八等攻郡城官兵擊之敗走都指揮脫綱力
戰死之

六月二十九日浩八與富隆鳩王孟友等二萬餘眾
攻郡城分屯六門造呂公車高三丈廣丈餘其形如
櫃其中有梯匿壯士以抽推至城下期搭梁頭蟻附
而登攻嚴泉望京二門俊取市肆盛油籠實以薪草
然擲賊車火烈車蒸賊出奔又用巨竹叢稍煮以沸
油甚堅利各曰龍銃用之開陣濟以銃砲賊復屯教

場因出民壯八千分三道合擊斬隆鳩等千餘人生
擒章三徐四等五百人餘皆遁走會都指揮脫綱元
丞相脫脫之後所部皆北軍精弓矢屢戰屢勝賊不
能當遂易視之直追至破橋賊乘間猝至不甲而戰
矢盡軍敗止餘一騎脫猶死戰不挫宗留曰是何此
人難殺之甚鑑湖山上應曰殺人先殺馬馬既仆人
將安往宗留用
其說綱遂遇害

秋七月東巖賊放火男女死者以萬計

宣寇之亂東嶺蔡恭十為首率眾避千巖頂賊首舒
景隆等攻城失利復轉圍巖守以困之凡十餘日水
盡放火男女皆飛墮巖下
積屍成邱時七月十七日

兵部尚書孫原貞諭降諸賊擒賊首陳鑑湖葉宗留解

京伏誅

賊因攻城戰敗勢甚窮蹙原貞許賊自新者免死立
功者賞官于是賊自獲賊定盟出降誘致陳葉等械

送京師議將免死會脫網子疏雪父冤鑑湖
伏誅宗留立功北邊賞以武職逃歸後伏誅

龍岡九襲據慶元官兵討平之

岡九乘宣寇亂率眾數百懸鏡為甲據縣縱火
署倉一空後投得義不納歸為官兵所蹙遂平

陶得義陷遂昌指揮弓禮縣丞張智死之

戰於坵頭官兵敗績禮智俱死賊陷縣治
焚廨舍縱獄囚市落為墟脅從者數萬人

景泰元年二月命都御史張楷討宣寇招撫之陶得義

等焚其寨降

閩寇稍平詔楷移師討宣寇分兵水陸並進過蘭谿
御史黃英林廷舉偕來會請速進兵至金華合制竹
篋三百六十面糊以紙畫獸形以禦鎗兼程至處界
屯於平地分為三陣賊萬餘出山索戰直攻中軍楷
命馬軍射之左右夾擊持鎗者入竹篋多為所制前
後死者數百人得義引眾去楷令千戶沈俊賈榜入

山反覆曉諭至以其百口與誓得義出見楷加優賞
賈令歸山同葉希入楊希勉等來見楷納其降給帖
令復業明日何受等又招余海四陳川十余下等百
餘人來亦令復業得義復懷疑懼擁眾如故以書招
楷入楷復書諭之復奉璽書諭楷等撫處已降宜廣
布恩信戒官吏毋相擾激不聽撫者調兵勦滅楷復
遣府縣佐貳賈入山再招之得義等始聽撫焚寨出
降餘黨聞風散去前後招撫者九千餘家男女二萬
餘人楷等
乃班師

陶得義復寇武義僉事陶成戰死尋寇永康官兵破之

戮賊首朱必森陳允才等解京伏誅

得義已降復叛武義無城惟樹木柵防守賊大至或
勸成少却以避其鋒成不可麾兵與戰賊潛入縣為
內應縣中火起兵遂潰成策馬戰歿賊復攻永康必
森被戮餘敗走旋復宣鄉警報阮孫二總兵即議出
師且榜示順逆以故青田賊首沈風麗水渠魁徐浩
八王志誠王孟紹等悉來首伏誓立功贖罪得義聞

之懼且曰我之罪惡深重縱降必無生理姑往破橋
 堅柵自守言訖淚下官兵及降寇置壘官橋白橋祝
 村鄉兵扎營猛湖分爲三道抵青灣入破橋諸義勇
 越山衝其後死者相枕焚其巢穴惟陶得義祝岳二
 深遯東渠山中餘賊據東巖峻不可奪迺絕其要路
 凡十八日巖破擒賊首陳允才舒景福陳惟敬等悉
 解京師伏誅
 脅從者原宥

宣寇平奏捷班師

總戎會各營選軍快萬人窮山搜捕得義懼夜往南
 湖營欲見楊芳伯遇兵快縛送監軍李太監解京惟
 岳二未獲五月命有司招撫遂
 班師義勇散歸田里處境始甯

三年奏立雲和宣平景寧三縣

守臣孫原貞以宣寇之亂去縣僻遠難治請析麗水
 之浮雲鄉置雲和縣宣慈鄉置宣平縣青田之柔遠
 鄉置景寧縣
 縣詔從之

十二月連寇祝岳二復叛謀攻縣治大司馬孫原貞勦

滅之

既班師且下令招撫月餘岳二始出猶懷貳心日以
 採坑爲由聚衆抄掠時原貞方鎮閩會討官臺山賊
 鄭懷冒等至泰順奉命仍鎮浙遂抵郡城二十八日
 賊謀攻縣治以復私讐鄉民吳則飛報府衛尋調兵
 快次日即抵宣平駐營三處賊驚駭遂走入山明年
 正月初四日選民快三千往捕斬首一百六十級生
 擒岳二等一十六人下獄致反獄
 出會民快械送餘黨因盡獲殺之

國朝

順治五年白寇侵縣鄉勇破走之

武義白寇數千人越境侵縣防守把總石玉
 率練長鏡手祝小義等破其前鋒餘賊敗走

十二年閩寇煽亂鄉勇平之

土寇乘機據山為巢四五六都俱被焚掠防守徐把總率鄉之勇敢者勦平之

康熙十三年六月耿逆偽總兵徐尙朝陷宣平次年和

碩康親王率滿漢大兵總兵李榮陳世凱等克復之

尙朝初為處協都司後陞福建參將逆藩耿精忠叛尙朝附之自以浙東一路隘險熟識乃授為總兵官由龍泉至郡城六月十四日隨委材官陳蘭花至宣平知縣李向芝網印受職徵糧助餉把總孟趕葉管脫逃入偽授總兵馮公輔據新塘後陳得功嘯聚陶村八月尙朝移屯金華知道山十四年四月康親王率滿漢大兵攻破知道山李榮陳世凱等恢復郡城賊眾潛遁

十四年三月偽逆分據楊梅岡石帆石塘等處

滿漢都統馬將軍喇台吉率領滿漢官兵屯劄郡城拒戰年餘

十五年四月耿逆賊首馮公輔陳得功等合寇宣平城

內房屋焚掠一空叅將裴天祿王友志討平之

自十三年夏失陷十四年春已開復設兵防守耿逆復委偽將軍連登雲濟攻處郡偽總兵馮公輔副將陳得功竊據松遂及宣之和尙山張田宣之士人授偽職者誘之來攻四月四日乘夜縱火為內應三坊焚燬十之九通濟大橋亦為灰燼四鄉焚掠大半文武官兵退劄郊外叅將裴天祿王友志等奉康親王令自金華督兵入勦賊皆敗走

咸豐五年茶蒲源賊首陳三麻子陳老七汪福貴賊黨

劉長富劉根富詹根朝詹金滿劉富化等聚眾作亂

白日強搶擾害城鄉知縣劉曦率紳董帶領義勇勦

滅之始平

時賊首陳三麻子與其弟老七汪福貴賊黨劉長富劉根富劉富化詹根朝詹金滿等擁眾數百札賊營

於西鄉之四百田地方白日強搶肆行無忌知縣劉
 曦會集城鄉紳董督同義勇千餘人頭上包白布為
 號駐紮大溪口弄坑地方直搗其巢時賊首陳三麻
 子陳老七汪福貴聞風先遁我勇遂將茶蒲源一帶
 蓬屋盡行燒毀並生擒劉長富劉根富劉
 富化詹根朝詹金滿等斬於市亂始平

八年三月茶蒲源賊首陳三麻子陳老七汪福貴因粵
 寇逼近復乘機作亂知縣邢鴻濤親率紳士督勇會

剿殲之

時粵寇逼近賊首陳三麻子等復乘機而起聚黨數
 百人扎賊營於大河源暨旗放炮東擄西搶白晝橫
 行人心震恐北鄉紳士祝鳳梧陶明章鄭賓愷王邦
 清沈廷珍等密議集團堵禦四月中旬賊揚言要至
 陶村二十夜我勇格殺賊探二人二十一日辰刻賊
 眾七百餘人從大河源破田坑出直入陶村手執長
 鎗口吹海螺肩扛木炮足穿草鞋間有頭包紅巾扮
 作長髮賊者猖獗異常一闖而來到處放火我勇四

路齊出各執器械以擊賊賊潰散奪下木炮海螺紅
 旗等物我勇奮猛直前格殺賊七十餘名賊黨尋散
 知縣邢鴻濤密諭四鄉紳士剋期集勇會剿賊首陳
 三麻子等聞風遁去我勇奉縣令諭訪查明確有甘
 脅從者費勿問民始安堵

八年三月粵賊石達開陷處州下鄉義勇赴麗水石牛

街討賊勝之

下鄉義勇萬餘人赴麗水石牛街討賊殺賊十
 餘人賊尋遁樹坑源涂百萬金弄周林樹陣亡

四月下鄉義勇赴麗水張村街討賊徐三十夜死之

下鄉民勇萬餘人赴麗水張村街討賊殺賊十餘名
 奪馬二匹生擒賊三名賊旋遁去丁工徐三十夜打
 頭陣殺賊三人後被賊捉割腹而
 亡雀坑雷金有亦打頭陣被害

老竹庄義勇守槁嶺師潰劉松海死之

老竹庄民勇二百人守槁嶺見賊萬餘人至驚潰前山劉松海遇害

賊過曳嶺大片義民劉伯乾劉開興率眾禦之

大片二十餘家小村係通宣平大路四月二十九日
賊數十萬往破宣平老人劉伯乾令於眾曰賊來不
必逃大家與戰劉開興力贊其謀賊先鋒三千過曳
嶺劉伯乾率壯丁五十餘人截殺求讓路不許烏鎗
打死賊十七人受傷賊數十人截殺求讓路不許烏鎗
死一人自辰戰至申時賊不能過退至周坦老竹等
處宿即詢土人此到宣平官兵鄉勇幾何有土匪告
之曰不過大片數十人一路無兵五月初一日賊率
萬餘人齊進暗令賊黨從後山上放火燒屋四面圍
之眾懼被圍即退賊齊追之劉伯乾全弟暖有姪長
松應金有全弟應玉子新告俱陣亡宣平一邑得以
從容避患不至罹擄殺之災者皆大片堵禦之力也

賊踞老竹庄武生李世華起義勇討賊死之

橫塘李世華強勇有力起義勇親至東巖約會各庄
義勇四面攻打老竹賊營賊不滿千餘人世華志在
勦滅驅逐只留老竹橋頭南路放賊逃走土匪預先
通賊賊趁各路勇未齊集先從間道到梁村放火東
北路勇見賊起火先遁西路勇尚未到世華奮不顧身賊
世英遇賊幾死世華救之世英走世華奮不顧身賊
兵四面圍之身被二十鎗遂遇害於仁宅販神色如
生時老竹陳萬金江方傳梁村梁士偉黃弄朱根盧
金棟鍾東東林老三柳坑涂謝客白礮下周協林外
洋廖東貴渠溪涂老三涂老五桃灣趙炳仁水頭趙
三熾金竹坡晉元亨等俱陣亡

賊攻東巖不克

東巖在縣南五十里四面陡絕為歷代避兵地時附
近居民遊亂巖巔巖廣三千餘畝煙居雲集依然成
村賊屢至不敢上一日有十餘賊求上巖遊玩令彼
進即退去後有三賊凌空飛上直到天門守寨者用
木棍打下賊從木欄板住盡力一推連木欄墜下尸
骸不見僅留兩足後再無敢進者

五月賊大股至宣平城陷六月賊退全境肅清

十一年五月十一日粵賊偽侍王李世賢擁賊兵數萬由遂昌過天堂嶺至縣據之環縣數十里盡遭蹂躪十八日退永康

九月二十日花旗賊自武義進城復陷擄殺焚掠城中廟宇房屋燒燬什之六七十月初一日仍退武義

十一月十三日賊大股自處郡來據縣城札賊營於縣北五里鄭迴庄知縣郭光儀親自督勇攻打賊營眾寡不敵民勇潰散會石林死之

茶坑庄一帶民勇戰賊於殿口敗之

時茶坑監生陶一訓東衢僑生戴益林後湯監生宋金煥等督團練勇糾集茶坑一帶二十一鄉村年十

六以上五十以下之壯丁約共千餘人直至武邑大後賊從大殿口黑夜偷營民勇未及隄防被賊破入放火燒屋宋金煥足被鎗傷戴益林死戰力竭吐血死茶坑陶正福陶舍良陶禮智妻賴氏陶宗器妻陳氏陶佳器陶禮讓陶水高陶麟祥後湯鄭金寶宋金明宋金貴鄭進賢鄭林賢等均死於難本學教諭王椿煜督辦勇糧遇賊割脛而亡

賊至金村劉金明家死於難

東鄉麻坑源內有巖洞名月陰磴外洞濶丈餘內洞口極狹必曲身而入闊亦丈餘高不過三尺許賊至金村劉金明家共八人逃入洞內衣食物俱在外洞賊搜至洞口俱逃入內洞賊不能入用煙葉柴薪在外洞燒起濃煙透入洞內俱被薰死賊退後止留二人復甦

賊搜山至龍潭背左寶童殺之

賊踞縣時四鄉搜擄無處不到東鄉龍潭背左家兄弟子姪八人素善棍棒見賊眾百餘入村搜糧輒大

呼而前勇氣十倍賊驚走至蝦蟆嶺又追之賊提刀
迎敵左寶童擊殺之係賊頭目餘賊逃散自是賊不
敢再至附近居民得安居焉

賊攻燕子巖不克

燕子巖在東鄉三巖相連懸崖高覆風雨不能入其
石可以煎硝又名煎硝洞下洞寬數十丈二洞寬與
下洞相似但絕壁數仞祇容足跡二寸許必緣索而
進由二洞進上洞須側身而入口極狹內可容數十
人賊據縣時鄉民避患於此賊搜山來巖下男女俱
進二洞飛石擲下賊驚走隔山炮火亦不能入附近
居民賴此保家者不少

賊攻飯甌壇村民墜石擊之

飯甌壇在縣北二十五里相傳漢時民曾避亂於此
高數十丈四面凌空其上平曠可容數百人粵賊犯
境附近居民緣梯而上各搭草鋪避亂一日賊眾數
千蜂擁岩下銃炮連聲烽烟蔽日岩上人飛石亂墜
賊不敢進卻從對面山頂用大炮攻打死者二人時
王金球被擄周蕨車馮老敦妻邱氏項灣王祝告妻
陳氏王老克王福年後溪
曾來進等俱在此殉難

同治元年六月二十二日大兵雲集賊退金武一路而
去全境肅清知縣郭光儀招撫流亡民慶更生

宣平縣志卷之十九

災祥

五行天文災祥并書天人相通感應非虛邑雖蕞爾豈可忽諸述災祥志

宋

紹興癸酉夏懿德鄉梁氏所居小溪忽中流漏起高二丈餘若柱然是年梁安世鄉舉甲戌登第至咸淳癸酉復然梁泰來鄉舉甲戌登第

明

成化乙巳春夏之交鄉民適艱食四山箬竹生米採可

療饑獨宣山爲甚至于餘石

嘉靖乙卯臘月大雪深丈許民間煙火幾絕至來年二月方消盡後連年大稔始知爲瑞見清元宮題壁

國朝

康熙間縣令于以事詣城隍廟撲筴夜夢神語云有狀

元送汝盍賦歸來乎既寤未解罷歸十餘年子敏中

乾隆丁巳大魁始驗其兆

以上祥異

明

成化十三年不雨米價騰踊

十八年不雨

十九年大水壞民居二百餘家溺死百餘人牛畜以千

計

二十年春旱民間修築堤堰開墾荒蕪工甫畢五月積

雨水溢災如上年

二十二年大旱

宏治五年旱

正德三年旱

七年旱

嘉靖八年八月大水

九年八月大水

十八年七月大水

二十二三四等年連旱

二十八年火縣前坊起至太平坊竟夕始息

萬歷十九年大火三坊延燒幾盡

崇禎九年大火如萬歷十九年是年春荒稱米三錢夏旱三月不雨亦一劫也縣令王在鎬曰是年災荒異常既無食又無居幾無縣矣予不職殫費心力直不知救荒作何策也教諭俞咨益作歌

國朝

順治八年大旱

康熙三年五虎盤踞槁嶺傷人甚衆至五年縣衙督率鄉民持械鳴金盡伐茂林虎入郡城爲害本府同知沈協鎮申集民兵掩捕日斃五虎是年大旱

九年冬大雪積六尺許

十年大旱巡撫范公題請蠲賑

十三年至十五年閩逆煽亂焚燬民居百姓逃竄田土荒蕪

二十年旱大萊山頂土名陳衙於五月十三日白晝晦冥聲如雷震兩山崩陷交塞谷口中成龍窟長可里許廣四五十丈汪洋澄澈深不可測魚鼈出沒於松

杉間雖大旱不涸

二十五年大水閏四月二十一夜大雨至二十六日不

絕漂沒田廬無算濱溪民居搬移不及男婦亦有被

溺者是年 題蠲十分之三

二十六年秋旱

二十七年秋旱

二十八年大旱自六月至十月無滴雨井泉皆涸民間

食水維艱是年正月

南巡

恩免通省地丁

三十二年四月雨黃泥沾草木葉不脫

三十六年八月大雪禾稔苧一概空黑署縣郡糧廳宋

庭詳 題蠲地丁一千六百兩賑米八百石 建生祠
堂左側

未構
而廢

四十二年大旱稱米三錢邑令韓宗綱詳 題蠲地丁

一千六百兩賑穀二千餘石

五十二年冬十一月大火縣西街沿燒至太平坊燬屋

甚多

五十三年大旱署令戴世祿邑令張廷祐詳 題蠲地

丁銀 千 百 餘兩賑常平倉穀 千 百

餘石

五十八年七月蟲災

六十年大旱縣令于樹範詳 題賑濟并設法煮粥以濟饑民

雍正元年大旱縣令于樹範詳 題賑濟設法煮粥與

六十年同

乾隆九年八月初二日大水通濟橋毀

十年虎患甚橫傷人至三四十餘前灣潘姓謀設虎圈各鄉亦倣爲之虎有入圈死者其患始息

十二年旱

十五年旱

十六年大旱縣令陳加儒詳 題蠲免錢糧一百四十九兩一錢二分米一十六石五斗八升賑濟銀一千三百餘兩米八百五十餘石接運台穀漕米五千石

二十年旱

二十四年大水

二十七年旱

二十九年大水

三十二年大水

三十七年旱

三十八年大旱

四十二年旱

四十四年旱

四十六年大旱

四十八年五月十八日大水漂沒田地甚多

五十年大旱

五十二年霜早隕蕪苧蕎麥豆俱無收

五十五年十二月二十五日陰氣凝結若霧若霰者三

日著樹皆凍竹木多被折損殆漢志所謂木介者也

五十八年五月二十日大水

自乾隆十九年至此賑卹無考

嘉慶五年四月五月疫痢死者甚多六月二十六日大

水漂沒田廬無算舊東嶽宮永福堂毀有鄉民適借

寓避登伙屋脊水退僅留此屋間半餘俱漂流東嶽

宮樑直漂至永嘉西門外一都四鮑家嶺閩民構蓬

山麓居有年矣頗小康值喜慶戚屬咸集午夜山水

陡發全村俱沒捷足登阜者僅留數人是歲臨水村

落多被衝圻男女溺死者不少縣令朱蓮詳請除荒

田三頃四十八畝零

七年旱

宣平縣志 卷之十九 六
八年旱

九年旱

十年大旱南鄉爲甚縣令王愷請賑不允晉郡面求繼以痛哭始允請賑下鄉

十二年旱

十四年三月大風雹

十六年大旱縣令楊士雲詳請賑濟下鄉穀八百五十石三斗二升五合銀 百 十兩

二十年九月二十一夜二更地震

二十一年大旱縣令嚴芝芳詳請賑下鄉穀一千零肆十八石二斗銀 百 十兩

二十五年五月旱起至七月十一日霖雨連朝遂大水濱溪田多漂沒高田苗未秀已被旱得雨懷新俗謂二層稻尙可半獲是秋百卉萌芽百花放蕊市賣新茶園長嫩笋牡丹亦開半苞時物一變邑令劉以實詳請賑濟穀二千四百八十四石二斗二升五合銀 百 十兩

道光元年旱蟲

七年大雹樹折瓦碎麥災

十年八月 日樊嶺吳宅俞源未刻微雨申酉戌三時

大雨如注濱溪隄岍房屋盡被漂沒亥刻則晴明見月矣

十二年大旱縣令李興元詳請賑卹穀七千九百五十石六斗銀四千七百七十二兩一錢六分錢糧緩征

十四年大疫有合家死者古廟及戲臺下路亭中死者不計其數東衢安鳳尤甚

十六年旱秋雹縣令黃維同詳請緩征

二十五年大旱縣令伍承吉詳請賑濟旋去任二十六年縣令李盤奉文賑卹散給穀銀貧民幸獲生全

咸豐元年旱蟲

六年六月彌月不雨七月雨雹

同治七年六月大旱七月七都曳坑三都潘山頭等處復大水署令張兆基稟報災歉緩征

九年六月大旱

十三年七月十二夜山水陡漲北門外數十里均被災劫塘最慘平地水深丈餘墻屋俱震睡夢中驚起不及淹斃二十三人合村八十餘家墻垣門壁無一存者署令許維崧稟報災歉緩徵

光緒元年大水壞田廬禾稼淹斃不少下鄉山下鮑水

步弄內圩叟坑等處上鄉上齊坑大合等處尤甚邑令趙篤恩稟請賑濟

三年五六月大雨山水陡漲壞田廬禾稼不少淹斃六人南鄉七都八都尤甚東西北三鄉被水復被蟲傷狀如蠶絲縲稻葉晚禾更甚邑令皮樹棠稟報災歉申請賑濟

四年三月大風雹南鄉一帶樹折瓦碎

宣平縣志卷之二十

逸事

傳聞異辭聊以存疑齊東語野虞初說竒比於稗官掇拾毋遺述逸事志

潘家寺在上坦相傳昔有寺汲水頗遠一龍化爲寺徒擔水立刻至清冽異常師疑之令尾其後見至二門每桶唾津便盈師詰其故告曰我龍也天旱禁雨聊避於此師欲觀其形云須誦龍王經廻可制伏不爾恐有害師不聽強之須臾龍蟠殿側而寺沉爲烏有矣至今潭水一泓晴時猶見寺影

三潭在湯溪界相傳爲龍窟地最寒十里之內盛夏如
冬昔近潭居民有女時投花水面輒沉常以是爲戲
一日失足而沒父母援之不及以爲葬魚腹也越三
年歸父母驚疑問故曰潭中龍居有女與兒齊肩感
我送花拉去與戲隨留爲伴今嫁期已及恐父母思
我強之乃送歸云過數月上來迎我父母懼因攜家
遠徙至今山樵見其形者云如水牛狀常食竹葉相
傳有陰陽善符呪者呪潭水乾見內如王者居象牀
璿几有皓白老者臥其上須臾雷電交擊水復如故
侯杲曰甲午彌月不雨因躬至其境請龍其地數十

里無村居茅棘紛披亦無徑路至中潭以上緣縵相
攀而登羣役不能從虔禱致請隨有雲湧雷鳴雨尾
輿而大注以故十邑宣得雨獨早斯真靈異

九龍山顯應廟有五足鐵香鑪如旱祈求昇至縣立壇
清醮輒應某年祈禱鑪爲湯溪人請去社首以他鑪
應竟不雨後真鑪至乃大雨金華諸邑多尊事之今
鑪已失

疑塚十八處在陶村吳宅二十里之內碑悉鏤太師余
丞相墓六字不知其名相傳陶村余橋頭庵墓乃其
住址陶姓之祖係余氏壻數十年前尙有余姓今絕

矣又相傳余不善終因無頭以銀幘頭附葬故作疑塚如許又云卽諱靖者攷靖列於四賢祠與范仲淹尹洙歐陽修齊名乃北宋時人何至泯沒荒山疑是南渡徙家於此而宋史又無余姓作太師且不善終者其墓道必有碑銘尙未顯露記此以俟將來釋疑耳

明梁之焱坐丙星亭見羽衣言貌都偉留歸與飲夜將半急欲別去云來年三月三日當復來至期見一鶴鳴空中之焱沐浴更衣以待乃作偈曰來如如去亦如如無不如如遂瞑目坐逝

崇禎十二年賊趙連城等劫縣鄉兵何小二等拒戰賊退至下橋欲從官道遁去見有赤面綠袍人帶兵駐劄橋西不敢前轉入麻濟小徑悉爲土人所擒蓋伏魔顯聖云

大歷鐘在鄭迴慈愍庵武義鄉民覲得其銅有三四寸人持巨斧乘夜來盜甫碎其鼻聲聞三十里外趨救獲免鐘今復觀

慈仁古井在吳宅慈仁寺中相傳泉脈與三潭通有禱雨三潭者疏文從此井浮出故今人欲往三潭祈求必先焚疏投此井

國朝

雍正年間劉仁德岐嶷穎異七歲知屬文父生員劉凱
早逝母陶氏因貧暫寄養於清修寺胡邑侯過寺見
而異之適澍雨如珠池魚湧浪公謂之曰景物如此
童子能詩乎仁德唯唯不移時有人道池魚貪釣餌
池魚飲水自能肥之句公甚竒之將以上聞母聽術
士之言謂此子命薄固辭乃止後未冠而卒村人傷
悼之相與塑其像於蓮獅座傍至今呼爲觀音童子
松花在縣北二十五里烏石後有古松二株濃翠異常
至乾隆五十八年秋初向南半樹忽開紅花花如大

蓼且成簇月餘不落

神木在縣西雲居庵潭先是庵在獨山

俗名猪頭山

下庵前

大路溪流繞之嘉慶五年水發庵壞山左冲成深潭
潭中隱隱露樹根一二尺其上沙礫掩覆十九年創
造東嶽宮上梁有日矣尙缺短梁八條忽山水陡發
冲開沙礫見大樹連根可三四丈許木堅色黑卧在
平沙邑人取以爲梁適符其數咸以爲神

龍窠在縣西二十五里上堂殿宋大觀四年建棟高三
丈六尺中無纖塵東首枅上有青草窠至暑月常有
水滴冷氣襲人土人謂之龍窠至嘉慶十五年整修

神像被畫工悞毀窠落視之似草非草翠色可愛嗣後滴水遂絕

棺材巖在縣西二十里三筭坑巖高洞深中有鐵索懸棺不知遺自何代相傳雍正間有人疑為寶物携豚首香楮潛祭欲開忽大霹靂人落山半崖石崩塞洞口今洞角有缺窺之見洞中尚有七八洞洞各有門黑暗莫測人欲入先投以足俯身可下其中大風冷烈莫能舉火咸畏懼不敢進天青月明之夕巖有火光光明滅大小不一狀陰雲則無

龍宮洞主廟祈夢甚夥武義項秉謙嘗齋宿焉夢瞻牀

插萱花六枝覺而言之其友顧倬標曰萱宜也瓶平也六年秩滿君其司鐸宣平乎項年少氣盛意勿屑也後顧以孝廉捷南宮出宰江右項以拔貢為宣平學官竟如先兆

縣署內室有大樹蓋數百年物建署時無敢剪伐乃築室圍樹於內尊為樹神禱祈有驗邑令皮樹棠記物氣而得氣最厚者獨靈而壽蓋以扶輿之清淑山川之磅礴鬱積鍾美是物歷數百年而不壞於是發其光怪以震耀人耳目動其精爽誠敬而無有乎摧殘剪伐之患此天生神物有不可以尋常尺寸測者要亦理之不可誣也樹之有神蓋自秦之梓樹戰國策之神叢其來尚矣韓昌黎詩曰偶然題作木居士便有無窮求福人夫人之有求必神之有以應其求也豈偶然哉宣邑署堂後有大樹輪困盤挈蛟蚪蜿

誕蓋數百年物春暮開黃花甚香冬翠色不改光潤
 若新拭覆蔭堂室仰之童童如車蓋每大風起屋上
 落子與葉夜蕭蕭若雨聲邑人以其神也立署時不
 敢動乃就樹基置祠築屋其上而圍樹於內禱求輒
 應夫自明景泰分立宣邑未分時為巡檢司時又未知
 分縣至今已三百年距立巡檢司時又未知幾何年
 則樹之神或千百年或數百年更未可知也余履任宣
 邑既聞神靈朝夕祀不敢懈既而災異疾疫有禱輒
 應余自夏至秋得危疾以神佑得無恙室中有大蟻
 為患禱於神則蟻去所謂發其光怪以震耀人耳目
 而動其精爽者神有之矣夫以天地之靈氣與人耳
 精爽交萃愈久愈厚而人之奉之也愈虔則益神奇
 變化而不可方物余不知千百年後樹之靈又將何
 如也余既獲神之佑則敬修其聯額新其帷幔以酬
 神惠且記其事以貽後人署東偏有大樹亦數百年
 神物邑之人常祠之而此在署內惟署中人得祀是
 為記

宣平縣志卷之二十一

舊志刊誤

卷二山川志

壺山一在岡山一在壺山吳山一在吳山上

九龍山一在俞源為俞源發脈之所一在山坑即名九明山舊志未分晰今注明

申溪在午溪下流以方位言也

會溪舊志上坦嶺水過鼓山即古山舊志分會溪非今更正

雙巖金公巖在武境舊志因邑合王在鎬有遊二巖記並列山水之中今刪之

卷七職官志

同知鄭建主簿練敬查練敬係縣丞主簿為鄭餘無鄭建今更正

刊誤

張 僕

舊志選撰互見今更正

蕭

彥 訛作彥今更正

卷八古蹟志

澍樂亭

在榭樣山榭樣廟非三元橋今更正

雙桂門

舊志載鄭睿鄭通叔任同登淳熙丙午第十卷選舉志載鄭睿景德長史鄭通天禧參議按淳熙後景德一百八十餘年宜作景德丙午

卷九寺觀志

雲居庵

舊志崇禎間建查碑記載萬歷間建今更正

興林庵

舊志在坳塘嶺頭今大院後為興林庵坳塘嶺頭為聚福庵

卷十選舉志

陳 庫

宋以前人舊志列於宋末今更正之

蔡惟稽

舊志紹興按通志府志俱熙寧丙辰今更正

蔡 翊

舊志紹興庚辰按府志係元符庚辰今更正

鄭 澄

舊志紹興丁丑按通志係隆興癸未今更正

梁 錯

舊志紹興庚戌按通志係紹熙庚戌今更正

蔡夢龍

舊志嘉定癸未按府志係咸淳乙丑今更正

蔡希正

舊志延祐己卯查延祐年號無己卯祇有乙卯李更正

梁 鑄

舊志誤鑄俞 獅 舊志今更正 誤中

吳孟銘

舊志誤銘 陳 東 舊志今更正 誤爽

鄭 宋

舊志有二查縣後譜系祇一鄭宋今刪正

卷十三傳志

景龍四年歲辛卯 查景龍乃中宗復辟後改元年號祇丁未戊申己酉三年並無辛卯
 葉法善 舊志生隋大業丙子至唐開元庚申一百零五年作一百零七年誤

卷十四碑志

現存唐有道先生葉國重碑 一名丁丁碑 一名追魂碑 字句有異

同今參以府志松志並錄之

道統 統字舊志府志並誤純

但時宰 但字舊志同府松志作且

潛盤 盤字舊志府志松志俱盤

逮乎祖 乎字舊志無府松志俱有

長材 材字舊志府志並林松志亦材

安車 車字舊志居府松志並車

累至 至字舊志召府松志俱至

堅卧 舊志卧壑府松志並堅卧

以恒 恒字舊志恒府松志俱恒

以比 比字舊志同府松志並北

劉臺台 劉字舊志並劉府松志並劉

張弓 張字舊志府松志俱引

廣雅 雅字舊志府松志俱推

侯 侯字舊志府松志俱侯

真篤 真字舊志府松志俱純

故靜貞 故字舊志府松志俱嘗以二字

靜貞 貞字舊志府松志俱貞

北壑 北字舊志府松志俱北

且右 右字舊志府松志俱右

時哉 哉字舊志府松志俱或

緇鬢 緇字舊志府松志俱緇

不飲 飲字舊志府松志俱飯

不食 舊志下有者無

乃聲聞 聲字舊志府松志俱聲

帝庭 庭字舊志府松志亦庭

跡發 跡字舊志府松志俱駿

降尊 降字舊志府松志俱降

盱眙 舊志府松志並盱眙

握手 握字舊志府松志俱握

高謝曰自 高字自字舊志無府松志俱有

疵物府志疵字舊志疵府志疵府志

遐齡府志遐字舊志遐府志遐府志

之旨府志旨字舊志旨府志旨府志

訊家童府志訊字舊志訊府志訊府志

僮府志僮字舊志僮府志僮府志

色無府志無字舊志無府志無府志

斲放閑列府志斲字舊志斲府志斲府志

書缺府志缺字舊志缺府志缺府志

渴其道府志渴字舊志渴府志渴府志

謬序府志謬字舊志謬府志謬府志

五德轉府志轉字舊志轉府志轉府志

所況府志況字舊志況府志況府志

天道運行府志運字舊志運府志運府志

鳥識府志識字舊志識府志識府志

丑癸府志癸字舊志癸府志癸府志

乘遞府志遞字舊志遞府志遞府志

其原府志原字舊志原府志原府志

傳受府志受字舊志受府志受府志

遠尋府志尋字舊志尋府志尋府志

豈期府志期字舊志期府志期府志

鯁生府志鯁字舊志鯁府志鯁府志

摧落府志摧字舊志摧府志摧府志

卜兆府志兆字舊志兆府志兆府志

幽谷府志谷字舊志谷府志谷府志

道徵府志徵字舊志徵府志徵府志

運磨府志磨字舊志磨府志磨府志

終不應命府志終字舊志終府志終府志

孫府志孫字舊志孫府志孫府志

寅念有訓府志寅字舊志寅府志寅府志

軒坐府志坐字舊志坐府志坐府志

載形府志載字舊志載府志載府志

能以末技府志末字舊志末府志末府志

追遠府志追字舊志追府志追府志

而紀德府志紀字舊志紀府志紀府志

真筌府志筌字舊志筌府志筌府志

四至府志至字舊志至府志至府志

媮府志媮字舊志媮府志媮府志

山空府志空字舊志空府志空府志

曷由府志曷字舊志曷府志曷府志

盡規 規字舊志觀府松志俱規

傳駟 傳字舊志同府松志並博

率心 率字舊志於府松志俱率

孝忠 忠字舊志府志作終松志忠

歲在 舊志無在字府松志皆有

妙真觀碑 舊志云成於大德庚申查大德元年丁酉祇十一年無庚申止有庚子

明倫堂碑 舊志云成化五年查二年丙戌十四年戊戌若成化五年是己丑矣

卷二十逸事志

康熙二十五年 大水郡城冒城郭有甌別駕宿下河埠被水漂無恙與宣志無涉今刪

刊誤

都圖六都三霄雲誤據俞川八景嘯雲秋猿當作嘯雲

山水九龍山四山蛇壇起伏蛇壇誤當作蜿壇

水利陳應鱗誤當作麟

田賦帶微誤當作徵 應辨誤當作辦

秋石誤當作米 本邑誤當作色

顏科誤當作料 九力誤當作分

實徵誤當作徵 七銀誤當作錢

表箋錢誤當作銀 備水無徵誤當作徵

日糧誤當作口

風土樽節誤當作樽

腹餘誤當作餽

早辰誤當作晨

公署醮樓誤當作譙

兵制器械誤當作械

水利通濟橋記愁然誤當作愀

學校祝文祇率藝章下脫肅展微忱四字

彭啟豐重建文廟碑所論孔子與孟子合孟子誤據韓

文孔子以德句龍棄以功當作社稷

鄭邑侯學田碑魏科誤當作魏

宦績嚴燧節之告照誤當作強醮

人物梁槁元人誤當作宋人

蔡子昇挾戰守于郡守誤當作干

列女家產被廢殆盡誤當作費

節義兼攸誤當作優

撫然誤當作撫

藝文柳齊集誤案李仁灼傳云著有抑齋集又梁祚璿

有抑菴稿序當作抑齋

葉法善敕整遺誤當作愍

希夸誤當作夸

冷然誤當作洽

永為平昔誤當作惟

孺人梁氏敕楊芬令族誤當作揚芬

潘湘敕尙彈對越之忱誤當作尙殫

俞世美敕幡然誤當作幡

葉法善乞歸表復收管履誤當作簪履

葉法善傳迹混朝伍誤當作朝班

保黃冠而不杖誤當作拔感憶於懷誤當作感愴

赤石樓隱難記開元之末誤當作上元

後隱難記唐乾元間誤當作上元

八仙巖遊記扶節聽之誤當作扶筇

金公巖記瀉於益復可愛有誤字

柳城記賞雲和於張緒誤當作靈和

元人潘萊普照寺記誤入 本朝

潘萊記安得黃面老子得誤德

劍履之所從瘞從誤沒 環數十里數誤迴

斬刈菘茸誤刈翦 輕重攸繫誤收縱

午溪義塾記茲培其數誤當作倍

葉慧明碑聃季誤明 外身先物誤外物先身

代且五朝朝誤世 賊臣齎禍齎誤毒

席岌琴山岌誤皮 追薦孝思薦誤存

驟請闕廷請誤詣 枉逮鄙夫鄙誤狂

欒欒孝思誤戀戀

閻邱若冲冲真觀碑屢排禁闕陳志言誤當作忠言

黃中報德祠碑於公誤當作于

潘氏前言錄序衛將誤當作衛將軍或衛青

梁泰來龜山賦曩屬誤當作曩屬

章綖宣陽賦谷子兆苑誤當作洪谷北苑

創夸我松楸誤當作創夸

蔡希佐章侯廟五言排律誤入五古

台山八景詩苔蝕先奏篆誤當作苔蝕先秦篆

仇兆鰲贈梁尙璧曰吟艷曲擬齊梁案上句手錄祕書

至漢魏日當作口

侯杲通杲橋碑橋擣巨如霽虹擣字誤當作橫

葉慧明碑師長旌禮旌誤族邦族興化興誤與

役使神力使誤任

克圖幽贊圖誤昌

蹈冶匪蕪冶誤焰

舉代方藉藉誤籍

與開列士與誤典

王崇銘序桑麻菲肥誤霏 義士孀女誤霜

趙霖吉序雞犬寥束誤當作寥落

侯杲序霜節孤嫠誤嫠 湯金策後序渺乎甚小誤少

張廷祐贊宮儼郵亭郵誤邱 恍然誤恍然

何鏗義倉記層積誤瘡 文廟募引快觀大成誤都

俞處士墓銘羅結內外誤給

宣陽賦度田互彼場誤場名宦祠記人亡澤斬誤漸斬
竹客嶺憇菴記秀水吳允昌撰誤作王在鎬

勝蓮菴碑業賈往來誤價 圓明菴碑蕭然誤瀟

水月菴碑招招艇子誤昭昭 瞑目誤冥日

西溪菴碑兩個北个均誤個真淨菴碑羸者宣也誤羸

圓通菴撥田報先撥誤跋 鄭世芳敕茲以覃恩誤慈

義行陶義緒給匾旌獎誤結寓賢蔣有芳父析薪誤折

蔡仲龍恩賜狀元詩內庭考最誤最考

魏必大蕪城詩鴛鴦隊零隻隊誤墜

葉貴韶龜山雲舍詩家園梨栗足盤飣飣誤釘

梁安世天閱堂詩坐久自疑身傅翼傅誤傳

沈嘉春贈王成菴詩青衿抃舞身轉轉衿誤衿

蘭橈並放聯舟旋橈誤撈

王元興石砭詠一灣流水滿三徑徑誤涇

俞聰雙溪釣月詩似此煙波任任留住誤往

魏必大朱夫子晉十二哲詩登堂趨執事誤登登

葉錦題栗山風木卷詩霜清庭樹烏啼夜烏誤烏

王嗣爽歐溪詩芒針剖粒引盈車盈誤盛

梁汝嘉敕民部疇庸誤疇庸

李冕請俞先生書采曩賢之餘絢賢誤資

蘇伯衡俞處士墓誌亦拯我厄拯誤極

方技鄭爆好蓄書畫誤畜好

李冕請俞先生書牽絲三載絲誤糸

敘贊兼麗乎孟堅孟誤馬 副上丞相丞誤承

侯杲白泄巖詩挾翠濕襟袖誤當作撲翠

森然禮雪竇誤當作視

雷仁育包烈婦詩危崖墮玉骨玉誤土

魏必大蕪城詩地臻仁壽域仁誤人

王元興石矸詠褰裳何必涉終朝褰誤蹇

蔡希佐羅漢松歌道人詎少栽培力栽誤裁

蔡伯尹章侯廟碑詰朝却賊語誤詰

章縱宣陽賦松川則右搯咽吭搯誤隘

紅塵聯乎甲第紅誤經 衿帶蜚聲我輩輩誤輦

梁泰來龜山賦吾將避此之地兮固而不可當作避此
之他兮而固不可

梁祚躋龜山賦儂句之靈若逢句誤司

李思衍妙真觀碑驗行州縣驗誤諭

孟瀆禪寂藏院碑子芹哀慕盡傷盡誤盡

侯杲序歌白雲於巴瓠之里誤當作白雪作巴人

葉法善表神女有卷綃之異綃誤絹

徐潤蔡包氏傳既歸誤既婦不既多乎既誤卽

章縱柳城記枹連枝格誤當作柯連枝絡

何鐘東西巖游記石磴可百餘武誤躋

俞宗煥游巖山記彎如月鉤誤灣

王在鎬三元真君廟碑蓋仙真棲蟠之所也蟠誤幡

侯杲真淨菴碑風雨粹至粹誤狎 締造顛末締誤諦

梁祚璿清寧菴碑恒河沙誤洹

名宦朱昌祚諡勤愍誤愍

後序

唐荆川序江陰縣志謂邑之志猶家之籍家之有籍重在田畝租斂錢貫絲縷而不在乎池館花樹圖書珍玩之詳邑之有志重在田賦食貨謠俗水利而不在乎仙佛之廬臺榭之廢址達官貴人之墟墓詞人流連光景之作蓋志本以經世而非以博物必使其上覽是志者知其山川之險易物力之豐儉風俗之厚薄得因其地以撫循其人而生其土者覽是志亦得守其故俗而益增其所不及非是者不宜書蓋禹貢職方貨殖傳之遺意也然亦有未可概論者夫家有貧富邑有大小籍有

多寡志有繁簡若其家陶猗也田畝絲粟之數既多卽
圖畫珍玩亦何不可籍記籍之而愈見其富有若其家
黔婁也田畝絲粟既少圖畫珍玩更屬寥寥必欲繁其
籍記并敝帷敗絮悉登於冊竄入挾以自豪謂已可與
陶猗比富也見者有不笑之者乎邑志名作夥矣而繁
簡異焉如潛說友臨安志施武子會稽志議者或病其
繁康對山武功志韓五泉朝邑志議者又病其簡夫臨
安會稽古帝王都是陶猗之家也可以繁也武功朝邑
古之大縣亦非黔婁之室也可以簡不必太簡也然則
臨安會稽之繁非他邑所可學武功朝邑之簡亦可學

而難盡學者也宜小邑也而又新造文獻無徵地與人
皆少可紀若準荆川之意而盡去其不應書者武功朝
邑之體於斯地最宜特以舊志相仍已久不欲盡汰故
多過而存之而闕遺者補之亦猶寒素之家家無長物
少有一得亦當珍重而愛惜之是亦敝帚享千金之意
也自荆川言之得無有愧於計然任公治生之道乎若
猶以輕改舊作爲疑則非余之所敢知也知宣平縣事
皮樹棠再序



